

ብጹእ ወቅዱስ አቡነ ባስልዮስ 6^ይ ፓትርያርክ ወወዝ ሀበው

ብጹእ ወቅዱስ አቡነ ባስልዮስ አወላይ፡ 6ይ ፓትርያርክ ወርእሴ-ሊቃኔ ጳጳሳት ኦርቶዶክሳይት ተዋህዶ ከኒሱት ኤረትሪየ፡ እብ መናሰበት በዐል ቅዱስ ዮሐንስ ወወዝ ሀበው።

እት ቀበት ዐድ ወካርጅ ለነብሮ ምእምኒን፡ እብ ዓመት ህይ እግል ክሉ ሽዑብ ኤረትሪየ ወቅዱስ ድፍዑ “አሰናይ ምን ወንጌላይ ዘመን ማርቆስ ዲብ ዘመን ሉቃስ ዘመን እብ ደሐን ወሰላም ኦብጽሑ” ለቤለው ብጹዕ ወቅዱስ አቡነ ባስልዮስ፡ ዘመን ሰላም፡ ረህየት ወፍቲ እግል ሊደዩ እግል፡ ሰኔት ትምኔቶም ሸርሐው።

6ይ ፓትርያርክ ወርእሴ-ሊቃኔ ጳጳሳት ኦርቶዶክሳይት ቤት-ክስታን ኤረትሪየ እንዴ አትለው፡ ክመ አክትብት ደያነት ልብሉ፡ “ለቡ እግል ለአለቡ ልካፍል” እንዴ ቤለ ሐቅ ለልሓኖ ዲብ፡ መትሳዳይ ለጸንሐ ዓዳትን ለሕሹም ሰበት ቲ፡ ሕጉዛም እግል ንፍቀድ፡ እብ ፍቲ ወረሕመት ኖሰኖሰን እግል ንትባጸሑ፡ ሐሩቀት፡ እቢ ወበአስ



እንዴ አዘምነ ምኑ፡ እብ ሕሽመት አፍዓል-ሰኒ እቲ እግል ንትክሰኡ፡ ክምሰልሁ መ እብ ነሳሐት እግል ንንበር ተሐሰበው።

ወፍድ ኤረትሪየ፡ ምስል ሰብ ሰልጠት ሰዑድዮ ዲብ ዕላቀት ክልኤ ለድወል ለሀድግ



እብ መስኡል ሸኡን እቅትሳድ ጀብህት ሸዕብየት እግል ዲሙቅራዊየት ወዕዳለት አሰይድ ሐጎስ ገብራሂው፡ ወወዘር ትጃረት ወሰናዕት አሰይድ ነስረዲን በጒት ለቁመ ወፍድ ሕኩመት ኤረትሪየ ምስል ሰብ ሰልጠት ሰዑድዮ ዲብ ጠወሮት ዕላቀት ክልኡቲ ድወል ሀድግ።

ለወፍድ፡ ማሌ 15 ሰብተምበር ዲብ ርያድ ምስል ናይብ ወዘር

ካርጅየት ወሊድ አልሸረጂ፡ ተዓውን ክልኡተን ኤረትሪየ ወመምለኩት ሰዑድዮ ዲብ ምስተቅበል እብ ለሐሰት እግል ጠወሮቲ ለትፈናተ መጃላት እብ ክሱሰለ ገብእ ለሀለ ጸገም ወመትቀዳመ፡ ክምሰልሁ መ ናይ ሕበር አትሐዛይ እትለ ቡ ቅደይ ወተጠውራቱ ትፋህመ።

ማሌ ለሀ ዮም 14 ሰብተምበር መ፡ ምስል ውቁላም ሰብ ሰልጠት ጣቀት፡ ወወጠንያይት ሸሪክት ብትሮል

ሰዑድዮ -አራምኮ ዲብ ወደዩ መፋህማት ህይ፡ ናይ ክልኡተን ድወል ዕላቀት ወመትሳዳይ እግል አደቃብ እት ሀለ አብካት ወአህምየቱ ዲብ መፋህመት ትበጸሐ።

ዲብ ጀልሰት፡ መመቅረሓይ ዓም ባንክት ኦብያት ወትጃረት ኤረትትየ አሰይድ ብርሃኔ ገብራሂውት ወመስኡለት ተንፈዝየት ሰፋረት ኤረትሪየ ዲብ ሰዑድዮ አሰይድ ወይኒ ገረዝግሄር ሓድራም ዐለው።

ሐብሬ

ውዛረት እዕላም፡ እብ ራድዮ፡ ጀሪደት፡ ተለፍዝዮን ወሸበኩት ሐበሬ ሻባይት ለትነሸሩ በራምጅ እግል አትሓያስ ወነዋቅስ እግል ትሰቡሕ፡ ረአይ መታብዕት አግደ ሰበት ለአትሐዝዮ፡ ፍሮዕ ከብቴ-ሐብሬ እንዴ አቁመት ወዲብ ቁርኣት፡ ሴምዐት ወመትፈርጀት ዲብ ተአተሰል ኣራእ ተአከእልል ጸንሐት። እሊ እት አካኑ ዲብ ሀለ፡ መታብዕት እት ጽበዋ ወአግቡይ ቀደሞት ናይለ በራምጅ ረአይ፡ ፍክር ወአትዐገቡት ዶል ለሀሌ እሎም፡ እብ ዕልብ ተሰፋን 201527 እግል ለአተሰሎ ክም ቀድሮ ተሐብር።

ውዛረት እዕላም

ምግብ፡ ጀዋእዝ እግል ደረሰ ፈዳብያም ልትህየብ

እት መዲነት አስመረ ለሀለ መዳርስ ምግባይት ወካልኣይት ደረጀት አ'ድያእ ወመአንብታይት ወምግባይት ደረጀት መድረሰት ዐወት እግል ፈዳብያም ደረሳህን ጀዋእዝ ሀበዩ።

ወሸዓዳት ተህየቡ፡

እተ መናሰበት፡ 99.6 ምእታይት ለአምጸአት ለፈደበት ደረሳይት ካስ ክም ነስአት ሙዲርለ መድረሰት መምህር በላይ በርሄ ሐበረ።

እት ዮም 13 ሰብተምበር እት ሐረት መድረሰት አ'ድያእ-

ልጃን ዋልዴን እብ ጀሀቶም፡



አኽርያ እት ገአት መናሰበት ሂበት ጀዋእዝ፡ ሙዲርለ መድረሰት መምህር ሳህሌ ኦብርሃም እት አስምዐዩ ከለመት፡ ዮም ዓመት እት ወጠንያይ እምተሓን 8ይ ፈሰል 11 ደረሳይ ዝያድ 90 ምእታይት፡ እት ወጠንያይ እምተሓን 12 ፈሰል (ማትሪክ) ህይ 17 ደረሳይ ምን 3 አስክ 4 ንቅጠት ታመት ክም አምጸአው ሸርሐ።

እት አወላይት ወምግባይት ደረጀት መድረሰት ዐወት እት ገብአት እለ ለትመስል መናሰበት፡ እት ወጠንያይ እምተሓን 8ይ ፈሰል 90 ወምለዐሉ ለአምጸአው መዳልያት ወሸዓዳት፡ ለትወቀለ ንቃዋ እግል አምጸአው 20 ደረሳይ ህይ መዳልያት፡ ታብሌታት

እምበል መሻረኩት ዋልዴን ለልትሰርገል በርናምጅ ደረሰ ወአድረሱት ሰበት ኢሀሌ፡ ዋልዴን እት አጀኒቶም ለወድወ ፊራሮ እግል ልደቀብ ትፋነው።

ሙዲረት ምዴርየት አክርያ አሰይደ ልያ በረኽትአብ ወመስኡል መታብዕት መዳርስ ካልኣይት ደረጀት አቅሊም ምግብ መምህር ዮውሃንስ ሰለሙን እብ እንክሮም፡ ደረሰ እበ ረክበወ ነቲጀት እንዴ ኢልትፈግዮ፡ እግል ዝያድ ሰርገል እብ መትሰባል እግል ልክደዋ አተንበሀው።

እምበል እሊመ መድረሰት መአንብታይት ወምግባይት ደረጀት ዐወት፡ እግል 10 መስል ሰኔት ላቶም ሙደርሲን አናየተት።

ውዛረት ተዕሊም፡ ፈዓልየት ወፍገሪት ምህሮ-ጅንሰየት ጌመመት

ውዛረት ተዕሊም፡ ወራታት ፈዓልየት ወፍገሪት ምህሮ-ጅንሰየት ለጌመመ እጅግም እት የም 8 ወ 9 ሰብተምበር ዲብ አስመረ ሰርገለት።

ዲብ ወኪይል እዳራት አቅሊም፡ መስኡሊን ጅብህት ሽዑብየት ወመሐብር ወጠን፡ መስኡሊን አቅላም ውዛረት ተዕሊም ወአፍርዐት አቃሊም፡ ክምስልሁመ ብዕዳም ጅሃት መጅተማዕ ተዕሊም ለሻረከው ዲብ ጌማም፡ መስኡል ቅስም ብሐሰ ወወሰቀት ጅብህት ሽዑብየት እግል ዲሞቅራጥየት ወዐዳለት አሰይድ ዘምህረት የውሃንስ እግል መክተብ ምግባይ እንዴ ወከለ ዲብ አስመዐየ ከሊመት፡ ምህሮ-ጅንሰየት እንዴ ደንገረ ምንመ አምበተ፡ እትለ መደት እለ ዲብ ሐቲ ደረጃት ባጼሕ ክም ህለ እንዴ ሐበረ፡ ለብጽሕት ህሌት ደረጃት ክም አወላይ-ምዕራፍ እንዴ ትነስአት፡ ዲብ ካልአይ-ምዕራፍ እግል



ትትዕዴ ክምበ ሐበረ።

ምህሮ ጅንሰየት፡ ዲብ ብንዩት መዋጥኒን ለረከበ መጃል-ምህሮ ሰበት ቱ፡ ለአሰክ እለ ለገብአ ወራታት ጌማም እንዴ ገብአ እግሉ፡ ዲብለ መጽእ እግል ልትነሳእ ዲብ ወጅብ ምስዳር ተርኪዝ እንዴ ገብአ ናይ ሕበር በርናምጅ እግል አፍገሮት፡ ለጌማም ምህም ክምቱ ሳደቀ እቱ።



ስኢሊ-ኣብርሃም በየገ

ዲብ ጌማም፡ አሳሴ አህዳፍ ወመባድእ ምህሮ-ጅንሰየት፡ ናይ መናህጅ ሸክል ውሐድረት ሐለት ምህሮ-ጅንሰየት፡ ሐዲስ አግቡይ ንዛም አድረሶት እብ ሰዳይት ፊልም አኒሚሽን፡ ክምስልሁመ ተጃርብ ምህሮ-ሰዳሶት እት አቅሊም ምግብ ለልብል ውራቅ ትቀደመ ወቤንያይ አራእ ተህየቡ።

ወዚረት ተዕሊም ዶክቶረት ሐሊመ መሐመድ ዲብ ደንገበ እት ቀደመተ ከሊመት፡ እግል መቀድመት ወምሻርክት ሐቀለ ሐመደት፡ ለወራት እግል ውዛረት ተዕሊም ሌጠ እንዴ ኢትተረክ፡ መሻረከት ናይ ኩለን ጅሃት እግል ትትወቀል ትፋኔት።

2013 እንዴ አምበተ ዲብ ንዘም ምህሮ እንዴ አተ፡ ምን 4ይ አሰክ 10ይ ፈሰል ልትህየብ ለህለ እት ገብእ፡ እትለ መደት እለ ናይ 11 ፈሰል አክትብት ዲብ ናይ ደንገበ ሸክሉ፡ ናይ 12 ፈሰል ህይ ዲብ አዳላዩ ልትሸቁ ክም ህለ፡ ምን ቅስም መናህጅ ለትረከበት ሐብራ አፍህመት።

እዮቤል ደህባይ መትአሳስ መድረሰት ሰውረት

ረዶድ፡
ዝክረት 50 ሰነት - እዮቤል ደህባይ መትአሳስ መድረሰት ሰውረት ዐየደው፡
ኤርትራዊን ሰነን ረዶድ ወድዋረ - ሰዑድዩ፡ ዝክረት 50 ሰነት - እዮቤል ደህባይ መትአሳስ መድረሰት ሰውረት “ዝክረት ቃልየትት እግል ሐዳስ ፊራሮ ዐማር ወጠን” እበ ትብል ስቅራት፡ እት የም10 ሰብተምበር ዐየደው።



ሽዑብየት ለትአሰሰት፡ ክምስልሁመ ዲብለ መሪር ወቅት እንዴ ኢተርፍ እግል ድራሰት አውለውየት እንዴ ተህየብ ልትከደም ዲብ ክም ዐለ ለትሸህድ ምህመት ታእሪካይት መአሰሰት ክምተ አብርሀት።

መስኡል ጃልየት ኤረትርዩን ዲብ ረዶድ ወድዋረ አሰይድ ተሰፋይ ተክሌ እብ ጀሁቱ፡ መድረሰት ሰውረት ሕርየት ወሰዶደት ወጠን እስትሸህድ ለደፍዐው ሕሩያም ፍራስ ወሚርሐት ለፈረው ዲብ ክም ዐለት እንዴ ሸርሐ፡ እግል ኩሉም ደረሰ ወመደርሲን ለዐለው “አሰናይ እትለ ኦብጽሐኒ” ቤለ።

ዲብ መናሰበት፡ ፍሬ መድረሰት ሰውረት ላተ ወዚረት ተዕሊም ዶክቶረት ሐሊመ መሐመድ፡ ምን አስመረ እብ ገበይ ሸከት እብ ክሱስ ሓለት መትአሳስ መድረሰት ሰውረት፡ ክምስልሁመ ገበይ ከደማተ ወተጠውረ እብ መራሕል እግል ምሻርኪን መብርሂ ሐቀለ ሀበት፡ ደረሰ መድረሰት ሰውረት እት ለህለው ዲብ አካን፡ ክመ ለበይአዉ ገለድ እግል ሸዕዮም ወወጠናም መሰል እንዴ ገብአው እግል ልክደም ትፋኔት።

ለበርናምጅ ዝክረት፡ እብ ክሱስ መድረሰት ሰውረት ለትዳለ 100 ተእሪካይ ሰወር ወፍልም ወሳኢቂ ለከምከመ ዕፌ፡ ክምስልሁመ ደረሰ

ጃልየት ኤረትርዩን ዲብ ረዶድ ወድዋረ ለቀደመው ሐልየት ወአናሺድ ደረሰ መድረሰት ሰውረት ለዐለው እብ ናይር ዐለ።
ዲብ ደንገበ፡ እብ መናሰበት ዝክረት ኢዮቤል ደህባይ መትአሳስ መድረሰት ሰውረት ዲብ ገብአ ብድረ ኮበሪት እገር ለተወተ ፈሪቅ ጃኢዘት ተህየቡ።

አሚሪክ
ለመናሰበት ቀደም ረዶድ ዲብ አሚሪክ እት የም 5 ሰብተምበር እብ ነያረት ተህየደት።

መትምማይ ቅደይ ሰፋረት ኤረትርዩን ዲብ አሚሪክ አሰይድ ብርሃኔ ገብረሂወት እት አስመዐየ ናይ መክሰቲ ከሊመት፡ ሐዘትለ በርናምጅ ምስል ዝክረት 65ይት ሰነት መትአምባት ግድለ ሰላሕ ሸዑብ ኤረትርዩን እንዴ አትጸበጠ መብርሂ ሀበ።

እለ ተእሪክ መድረሰት ሰውረት፡ እብ ዓመት ህይ ፊራሮ ጅብህት ሽዑብየት ተሕርር ኤረትርዩን ዲብ ምህሮ ለለሐኪ በራምጅ እብ ናይር ለዐለ ዒድ፡ ሐያት ደረሰ፡ ሙረብያት ወመደርሲን፡ ድራሰት-ንዝም ዲብ ግድለ ተሐድያተ፡ ፍገሪት ምህሮ እብ ፍዕል፡ ምህሮ ወሐያት መሕበራይት፡ ምስትንክር ፊተውራራ፡ እንስሓብ ወእስትዕማር አባይ፡ ክምስልሁመ ዶር መደርሲን ወመረብየት ዲብ ወራታት ብንዩት ብቁዕ ወመሰ-አልየት ለረፍዕ ጂል ለለአርኤ ጽበጥ ሰወር ወአላት ለከምከመ ዐለ።

እምበል እለ ርኢስ አሰይያስ አፍወርቂ እብ መናሰበት እዮቤል ወርቃይ/ፍዲ መትአሳስ መድረሰት

ሰውረት ለወደየ መቃበለት፡ ተእሪክ መድረሰት ሰውረት ለለሐኪ ፍልም-ወሳኢቂ፡ ተእሪክ ፊተውራሪ ቅወት ጀው ወቅወት በሐር ለለአርኤ ተእሪክ፡ ተእሪክ ፊተውራሪ አንሳት ዲብ መድረሰት፡ ሸቅል ወንዳል፡ ሩእየት ጀበህት ሽዑብየት ዲብ ምህሮ፡ ሓለት ምህሮ ዲብ ሕርርት ኤረትርዩ፡ ሐዘት ህግዩ-እም ዲብ ምህሮ፡ ክምስልሁመ ዶር ዲያስፖረ ዲብ ድራሰት ኤረትርዩ ለሸፊሕ ክቱብ ትቀደመ።

ወዚረት ተዕሊም ዶክቶረት ሐሊመ መሐመድ እብ ገበይ ሸከት ምን አስመረ ዲብለ ሐለፈተ ልእክት፡ ሕክመት ኤረትርዩ እለ ዒድ ወጠን ለሸፊሕ ውድየተ፡ ምስለ ለትሐፊት ስቅራት፡ ድራሰት ወረብየት ፈዳብያም መዋጥኒን አሳስ ተጠውር ወጠን ክምስልቶም ትርድት ደማከተ ሸርሐት።

ዶክቶረት ሐሊመ እንዴ አትሌት፡ ዲብለ መናሰበት “ክል መሻርካይ እግል ወጠንዬ ወሽዑብዬ እብ ከአፎ ምን ለረከብክዉ ድሩሴ ተጃርብ ወመቅደረት እግል እንፈዕ እቀድር።” እግል ሊበል ወነፍሱ እግል ልፈትሽ ክም ወጅብ አትፋቀደት።

ለበርናምጅ፡ ደረሰ መድረሰት ሰውረት አዳል እብለ ደግመዉ አናሺድ ቀይሒት ዕምቦብ ወናይ ጅብህት ሽዑብየት፡ ክምስልሁመ እመራም ፈናኔን ወሙሲቂዩን እብለ ቀደመዉ ጽበጥ ዓዳት ወፈን ናይር ዐለ።

ዲብ ደንገበ፡ እግል ወኪይል ወፊፍዐት ሹህደ ወደረሰ ናይ ሐምዴ ወአማር ሸሃደት ተህየቡ።

እፈትርዮ፡ጃኢክ

ክል አርቡዕ ለትጠ'በዕ ጀሪደት

መዳልያይ፡-
- መሐመድ እድሪስ

ለይአውት ወአርተዖት
* ዘህረ ዐሊ
* ፋጥነ አድም

ተለፎን፡ 121797/201820 (258)
ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡163471-07588045

አትአመሮት፡
ተለፎን፡ 125013፡ ዕ.ሰ.ቡ፡ 1284

የቲም ጅብቱ ቀርቦት!!

እለ ቅሶት እለ እበ እግል የታይም አበው ምን አንስ አበዎም ለሳድፎም አከይ መዓመለት ወይኢእንሳኒያይ መዓሸረት ለትዳግም ወትሓኬ ቅሶት እት ገባይል አፍሪቅየ ለትትዳግም ተ። እት ሰኒን ሰኒ ቅዱምቱ ልትበሀል እግል ዎሮት የቲም አብ ምን እሲት አብሁ ለጆሬት እቱ አከይ መዓመለት ለትሓኬ ቅሶት ተ።

አበ የቲም ሕጻን፡ አንሱ ክልኤ እት እተን ለዐለየ ወሐር እንዴ ቀደመየን አስክለ ክሉ ለሄርር እቱ ዳር አማን ተቀደመ ምነን። ለክልኤ አንሱ ክል ምነን ከዎሮት ሕጻን ዋልድ እተን ዐለ። ለሐቱ ምነ አንሱ ሕግም ለአትቃብለ ሰበት ዐለ። አውሀላይ ሕግም እግል ሞት ሰበት እግል ልግበእ ቀድር። ምነ ኢትርፍ አምዕል ሞተ እንዴ ኢትፈርህ እተ ለእት ግራህ ተርፍ ለዐለ ወልደ። እምብል እም ወአብ ተ ፈርህተ ትደቀበ ለዐለት መሰከነት ረሐመት ዋልዳይት። እግል ወሌዳየ ለእት ግራህ ወግረ አብሁ ምን አከይ መዓመለት እሲት አብሁ ትፈርህ እቱ ለዐለት እት ትሻምሉ ወትጣሰሱ እብ ክእኒ ፊናህ እግል ጸመረ ደግመት።

“ሰምዒ እም ፍላጎ፡ አነ ግድም ሕግም ምን ልታሌኒ ሰኒን ወድኒን ገብአ። ክምሰለ ትትደገም ናይ ክል ዶል ሕግም ለታለዩ ወለጋንሐዩ፡ አትቃባል ፈታይ ሰኔት ኢኮን፡ ሕትኪ እኪ ረኡት፡ መዋልያይ ሞት ክምሰልቱ ምንዩ ሕብዕት ህሌት አለቡ ወምን ክል ርእያይ ገደ ሕትኪ! ሰቀም ገሮብዩ ወኢራሐት አርወሐት ኖሰን ሰመዕ በሲር እት እተን ደግማሁ እግልዬ ህለዩ። እናዲ ክምሰለ ምን ልብኪ ኢትበዴ ወክሉ ኢቀውየ ደርብ ለክሉ ገይሱ፡ እግል ኢጊስ ክምሰልቱ ባድየት ምንዩ ይህሌት። ላኪን ሐሰብኪ ወክትልኪ ወዐይብኪ ህሌት፡ ሐሰብ ረቢ ሊዴኒ፡ እሊ ወልዬ ክምሰል ወድ ጸመር እንዴ ኢትርእዩ፡ ክምሰለ ሐሁ ለምን ርሕምኪ ተወለደ ረአዩ እግልዬ ወግንሕዩ” እት ትብለ እዴህ ጸብጠት ክእብ ወልደ ትፋኔተ።

ላመ ጸመረ እት ተንገሳግሰ ወእት ደሚረ አከይ መዓመለት ጸመረ እግል ወድ ጸመረ ሓብዐት ወድግልት እት እንተ፡ ለፈጅር እት ግራህ፡ ክምሰል ለቀም ነቅዕ፡ እበ መዐር ለመሰል ንሳል ደግመት እግለ። “ዬቡ በሪ ወዴናኪ እንቲመ፡ ረቢ እቼ ዓፍየት ልክሬ በሊ እንዴ ኢኮን፡ ወልኪ ላተ ምሰልዬ ወምሰል ሐሁ ምንዲ ተርፍ ምሰል እሙ ወሐሁ እምብል ታርፍ ህለ፡ ወእቱ ላተ ቡተን ወአበደን ኢትፍርሂ ወኢትግሀይ” እት ትብል በህለ ወደሚረ ፍኑትያም እት እንቶም ዕክት ንሳለ ምን ዐደድ ግሬዕ አስመዐተ።

ለሕምት ለዐለት እመ ዎሮት ውላድ፡ ክምሰል በህለ አስክ ዳር

አለአክረ አሴረረት። እግል ክልኤት ሐው ህዩ ክል ምኖም ከኖኖም ዲርሆ (ጃክ) መልኮ ዐለው። ነሃር ሐቱ ለታርፈት ዐለት እሲት እግል ለእግል ራፍዐት ለዐለት ገለድ ልብ እንዴ ኢትከሬ እግል ድርሆለ አማነተ ለዐለ ውላድ ብእስ እብ ሞረ ቀትለቱ። ለበዐለ ዲርሆ ሕጻን ጋይስ እንዴ ዐለ ሐቀለ መጽኤ፡ እሊ ኢኮን ድርሆሁ እት ናይ ደንጎበ ትንፋሱ ጸንሐ።

“ሐቅዬ ከፊት እግል እሊ ድርሆዬ ለቀትለ ምን ቱ ገብእ?” እት ልብል ሐቀለ ረግመ እግል ዲርሆሁ ሰኒ እንዴ ወዴ ከሸነዩ፡ ወእግል ወደ እንዴ ወደ ለእግሉ ከሸነ ሲጋለ ዲርሆ እምብል እብ በቀል ክምሰል ኢለአዘብዩ ምሰል ደሚሩ ገለድ በይኤ። ደለ እበ ሲጋለ ዲርሆ ለክሹን ተሰአለ ህዩ፡



እምብል በቀል ክምሰል ኢለአዘብዩ አሰአለዮም። እብ ክእኒ ዎሮት ሰነቱ ለገብእ ዎሮት ወድ መልክለ ድጌ ላቱ እብ ከሸናተ ሲጋለ ዲርሆ እት ልትነሸግ እግል ልትዛበዩ ተሰአለዩ። ላመ የቲማይ ሕጻን “እምብል ፈዳቢት በቀል የአዘብዩ” እት ልብል ደግመ እግሉ።

ላመ ወደ መልክ ምሰሉ እብ ርሸድት ወፈዳቢት በቀል ማጽእ ሰበት ዐለ፡ ወእተ ሲጋለ ዲርሆ ሰበት ረቅበ እበ በቀሉ ትዛበዩ ምኑ። ለየቲም ሕጻን፡ እግል በቀሉ እት ዋሌ ህዩ እት ዐዱ ዔረ እበ። እሲት አብለ የቲም ሕጻን እብ ደሚረ እት ተሐሰዱ እግል ቀትለ በቀል ስታቲብ አፍገረት እት እንተ፡ ክምእኒ፡ ቴሉ። “ እሊ በቀልክ እግል ልትረሸድ እግልክ

እት ቤት እብ ለብዐ ባባተ እንዴ ዳበኢክ እተ እግል ሰቦዕ አምዕል አጽንሐ” ቴሉ። አከይ ድስ እት ደሚረ ዓቅረት እግሉ እት እንተ። ላመ ሕጻን እብ አማነት ወደማነት በቀሉ እግል ልትረሸድ እግሉ እት ፈሬሕ ወልትነሸግ፡ “ሰኒ ዐመቶ፡ ለእግል ትቤይ እንወዴ” ቤለ ከእግል በቀሉ እት ቤት ባባተ እብ ለቤዕ እንዴ ዳብኦ እተ ዳብኦዩ ከክምሰል በህለ ወደ። በቀል እግል ዐሰር ዮም ዱቡእ እት እንቱ ሐቀለ ጸንሐ ዲበ ዓሰርለ ምዕሉ ከሰተዩ።

ሰብሓን አላህ! ወዳይ ረቢ ለአትፈክር፡ በደል እግል ሞት ዳብኦ ብህለቱ ለዐለት እሲት አብሁ፡ ለበቀል ክምሰል ፈትሐዩ ሐቀ ዐሰር ዮም እሊ ኢኮን እንዴ ትረሸደ ጸንሐዩ። (እግል ጸርከ ለሐፈርካህ ሕፍረት ኖሰከ ተወድቅ

እክል ንትዛቤ፡ (ዘርእመ እግል ወልዬ ዘርኣይ ሐዜኩሁ) ትቤ ልቡለ ዘርኣ በልዐት። ተዋብመ እግልክ ወእግል ሐክ ተሐዘ” ቴሉ። እግል በህል እሲት አብሁ ለሰምዐ፡ የቲም ሓርቅ እት እንቱ “ዐመቶ እለ ላቱ ኢትገብእ። ክሉ ክሉ ምን ደሚርኪ አሪሚየ። እሊ በቀልዬ እት ዕንኪ ሬመት እኪ መሰለኒ” እት ልብል በልሰ እተ።

ህታመ እብ ሐሰድ ወአከይ ደሚር ዕንታተ ደም ቅጦዕ ጋብእ እት እንቱ፡ “ የሀው! ፍረዶ እትን ውብለሱ፡ አዜ ህዩ ትትፋረደኒ ወትትቃረመኒ ህሌክ፡ ፋሬሕ ኢትግበእ! እምከ ምንዲ ኢገኦኮ እትካቱ!? በዐል አከይድሱ፡ ወለት አብሀ፡ አክል እሊ ዞዕ ቀጢን! ሕነ ጉድነ ብቱክ እት እንቱ፡ እንተ መትሀናዳድ እት ረአሰ አብቁል ልትርኤክ ህለ? ከኖሰካመ ሚ ህሌት እክ መሰለክ!” ቴሉ ከሌል እብ ዞዕ ትቤ እት ረአሱ።

ለየቲም ሕጻን ሰሚዕ በሲር ሰበት ዐለ፡ እምብል ምራዱ እግል ልዋፍቅ ምሰለ ቀድረ። “ከላሰ ዐመቶ ነአዝብዩ። በቀልመ ክምሰለ እግል ትብይ ጉድ ወድ ምን ኣደመ ልትፈደለ” ቤለየ ከአሰክ ዐዳገ ዘብጠዩ ለበቀሉ። ክምሰል ጠለብ እሲት አብሁ ህዩ፡ እንዴ ትዘቤት ከፈረይክ እክል ገብኢት። እበ ፈረይክ እክል ክምሰል መጸአየ ክሉ ለፈራይክ እት እሳት አሰረቱ ምኑ። እብ በክት ህዩ ሰልኦስ ፈሪካይ እተ እዴሁ ተርፈው እግሉ። ዐሸነት እንዴ ሰፊ እግሉም እተ አከበዮም።

ነሃር ሐቱ እግል እግሩ ልማቅእ እት ገይሰ እት አካን ሰኒ ወቅል እተ ሐቀ ፈግረ፡ አማክን ዕባደት ክምሰልተ አመረ። ለእተ መዓብድ ለዐለው አንፋር ምእሚኒን ክምእኒ ቤለው ሐቀ ጸብጠው፡ “ዮመቱ ስጋድክ ኢካርጀክ፡ ሚ እትትብል መጸኢክ እትለ?” ቤለው።

እሊ ሰድ እሊ ለየቲማይ ገማም፡ እት ልሰባሰብ፡ “አነ ርኢስክም ዕንታቱ ዕወርቱ እሰሚዕ ዐልኩ አዜ እግል እሳርዩ እክም ቱ። እት ደዋሁ ትተአየሶ ገኦክም ምንዲ ገብእ፡ ሰኒ ሰኔት እግል እጀርብ በክት ሀቡኒ፡ ወለ ኢገኦተ ሐቀ ጀርቤዬ ፈሸለት ቅተሉኒ” ቤለዮም። እግል እሊ በህለ የቲም ለሰምዐው ሰብ ድጌ፡ “ከላሰ ልጀርብ ሕዶጉ ሳድፍመ እግሉ ኢኮን። ምን አመረ!” እት ልብሎ በክት ሰራይ ርኢሶም እት ለሀዩቡ እት ሐቱ በዐት እግል ልሰከን አጀዘው እግሉ። ክፍለት ላሊ እንዴ ቀንጸ እበ ሰለኦስ ፈሪካዩ መጸኢ ወእግል ዎሮት ፈሪካይ እሳት ቀርሐ እቱ፡ ከእበ ቅንቤተ ቤተ ርኢስ ኬን ወእንሰር ትመወጀ እቡ።

ለየቲም ክምእኒ እት ወዴ ለርኢስ ረአይ ዕንታት እቡ ሸዐረ። ለካልኣይ ፈሪካይ አው (ገሰባይ)

ሐቅ ቀርሐ ህዩ፡ ረአዩ አክተመለ እግሉ። እብለ ህዩ ለየቲማይ ገማም ናይረት ኩብቱ ወሰምዐት ሰኔት እት ምግብ ድጌሁ እግል ልርከብ አተቅደረዩ።

ፈጅራተ ለርኢስ ሰካንለ ድጌ እንዴ አከበ ክምእኒ ቤለዮም፡ “ትሰምዑኒ ህሌክም፡ ሓይሳም ውሓይሳት ሰካን ድጌን” ቤለዮም። “አቤ! ሰኒ እንሰመዐከ ሌጠ ህሌክ” በልሰው እቱ ህቶም እብ ቅባል ሰአሉ።

“አነ ረአይ ክልኤ ዕንቼ እት አካኑ እቅቡል ህለ እብ ፈድል እሊ እግሉ ትርኡ ሕጻን፡ ሰኔት ለወደ ሰኔት ሰበት ተአሰታህለ፡ እግል ሰር እለ እት እንብር ለህሌነ መዲነት እግል እየብቱ ቱ። እግል ኖሱ ልሕከመ” ቤለዮም።ህቶመ እተ ርኢሶም እት በልሶ “አእ! ልትወጀቡ ሌጠ እምብል ሸክ፡ ምን ረአይ ክልኤ ዕን ለፈድብ ወጸኔዕ፡ ሚ እንዴ ህሌት ሞላነ ወሕሹም!” በልሰው እቱ።

ለየቲም ለአተናሴ ሐቀለ ጸንሐ፡ “የሀው! አነ እት ሕክም ወረኣሰት ለእትፈረር እናስ የአኑ፡ እምብል እግል ተጃረት ተሐት ውወለዐል ሌጣ አምሆልል እንዴ ኢኮን” ቤለዮም። “ከላሰ ሰኒ ገኦክ ምን እሊ ማላት ለእግል ተሐዜ ምን ደራህም ወእንሱሱ፡ ወከደም (አግብር ወኣሙት) ዐደድ ንዩትክ ወቅድረትክ ንሰእ ክምሰለ እግል ሐዜክ” ቤለው።

ላመ የቲም ምነ እግሉ ንሰእ ተበሀለ ክምሰል ምራዱ ነሰኢ። ከአሰክለ ምኑ ማጽእ ለዐለ ድጌ፡ አው መዲነት ተሳርሐ ምኖም። ለእብሊ ማላት እሊ ለመጸኢዮም ዐዱ ወሰብ አምሩ ወኢያዮሙ ሰኒ አትፈከረዮም።

እሲት አብሁ ላተ ቅንእ ወሐሰድ ሰኒ ሰዱ ሐልፈ እተ፡ ክለ ለእግል ትወዴ ወትሐድግ ቅዊት እተ እት እንተ፡ ከምን ሐዲስ እት ሐብክ ሐዲስ አከይ ድስ ትፈረረት። ክምእኒ ህዩ ቴሉ።”ሰመዕ የሀ ሕጻን አሰክ ሌሂ ወደግ ኒጊስ ዐንጻይ እት ግብ እት ተአቱ ረቢ አርኤኒተ። ነዐ እት ጀላብዬ አፍግረ እግልዬ ሰገ ዐንጹት ሸንህት ህሌኮ”፡ ገደምካቱ” ቴሉ።

ለየቲም እት በልሰ እተ፡ “ሚ ትገብእ ህሌኪ ይመ? ዐንጹት ሰገ ሚዶል ብኦም፡ ክምሰል ሐዜኪ ብልዒ ወትሸንሂ፡ ሰገ ደወርህ፡ አባጌዕ፡ ሐማም፡ (ካትረ) ኮንዶእ እግል ሰገ ዐንጹት መትሸንሆትኪ፡ ፍሩግ እግልዬ የሀለ፡ ላዝም ሐቀ ትብይ ላኪን እገይሱ እግልኪ ሀየ ኒጊስ” ቤለየ ከእት መርሐ አሰክለ ለእግሉ ሓብክት እግሉ ለዐለት ነሲበት ተበገሰ ምሰለ። ለአሰኩ ተገይሰ እቡ ለዐለት ግብ አርዌ ጎባይ እት ለአትየ ርእዮቱ ዐለት።

ትተላሌ.....

ምዴርየት ሰንዐፌ መናበረት

ሙሰውር፡ ክብርም ጸሐይ

ሽዑብ እግል አትሐየሶት ብዙሕ ጅህድ ገብእ



አሰይድ እድረሰ ዓሊ ሸከር

ለህሊ መታክል እግል አርህዮት ዲብ ከደማት እጅትማዕየት ለጽርግዮ ምን ከጥ ዐቢ ዶል ፈግር፡ ኩሉ ናይ ትርበትቱ ክም መሰል አሰክ እምባሴረ ለትገይስ ገበይ ዲበ ለትዩመመት ሐራት ህሌት። እለ አሰክ አምበሱገለ ወመክሰይቶ እግል ትብእሕ በርናምጅ እንዴ ፈግረ እሱባዳንብትት ዐለት። ምስል ናይ ጽርግዮ መሻክል ላኪን ለበርናምጅ ክመ ለአትሐዜ እግል ልግባእ ኢቀድራኒ። አሰክ ሕዱድ ናይ መክሰይቶ ለበጽሕ ከጥመ እብ ሕኩመት ለትሰመሓቱ። ሰበት እለ ምስል ለህለ ቲለል መዋሰላት ናይ ዐድነ ዶል ልትርኤ ዳይም ምን ሰንዐፌ አሰክ ዐዲቀይሕ፡ ክምሰልሁመ አሰክ ደቅምሐሬ ወአሰመረ ክልዮም ለትገይስ አተቡሰ ህሌት እግል። አሰክ አምበሱገለበ ሰርሐ ለገይስ ወአሰክ እምባሴረ ለገይስ ከጥ ህሌ። ለልአሰፍ እብ እንዳዳሽም አሰክ መክሰይቶ ለገይስቱ እብ ሸዑብ ክልዶል ሰኣል ለህለ ዲቡቱ። እብ ሰበብ ሕዲነ አተቡሳት ወክራብ ገበይ ክመ ለትሐዜ ለኢአተላላ ቱ። እምበል እለ እንክር ዝግፈት ለገይስ ህቱመ ስሙሕቱ እብ ሰበብ ከራብ ጽርግዮ ዲብ መንፈዐት ኢህላኒ። ዲበ መጽእ ወክድ ላኪን ምስል እብ ደረጃት ወጠን ለህለ በርናምጅ እንዴ ርኤነ አግቡይነ እንዴ አሰኒነ እለ ክልኤ ከጥ ክመ ዳይም ዲብ መንፈዐት ክም ልውዕል እግል ልግባእቱ ልብል አሰይድ እድረሰ ዐሊ ሸከር።

ለዐበ መሻክል ከደማት እጅትማዕየት ምዴርየት ሰንዐፌ ለህለ እንክር ምፍጋር ጸሓይ ለህለ ሐሲዮት ቱ። እለ ናይ ሐርስ ባካት ኢኮን ዐድታትመ እብ ለመድ ትብሉ እንዲኢኮን ክምኩም ኢኮን ፍንጡርቱ። እግል መዳርስ ናይ ረውዳት፡ መኣንብታይት ደረጃት፡ ምግባይት ወካልኢይት ደረጃት እንዴ ኢተፍር እግል ተአሰስ መሻክል ጋብእ ለህላቱ። ምን ቤት ዲብ ቤት

ሰለሰ ወአርባዕ ኪሎ መትር እትገይስ ለህለ ዲቡ ባካት ምር ኪሎ መትር ሌጠ እንዴ ጌሰ ጅነ እግል ልድረስ ትብል እት ህሌክ ብዙሕ ክቡድቱ። አሰክ እለ ዲብ እለ ሐሲዮት እግል ልግባእ ቃድር ለኢህለ ሰኣል ህዩ ሸዑብ ናይ ከምከምት ለልብልቱ። ዲብ ኢዮ ቱ እግል ልትከምከም፡ ምዶልቱ እግል ልትከምከም ሰኣል ዐቢቱ። ዲበ ለሐልፈ ሰኖታት እብ ሕኩመት ብዙሕ ጀርቤታት ገብእ አሰክ እንክር ምውዳቅ ጸሓይ ለህለ ጋድሞታት ናይ ዐግር ሸዑብ ዲቡ እግል ልግባእ አሰብደ፡ ምናተ ሰበት ኢትከበተው ላመ ጋዕዘው አቅበለው። አሰክ ጋድሞታት ምፍጋር ጸሓይ እግል ልግባእ መ ትባህሉ፡ ምናተ ለጌሰ ኢህላኒ። ለሸዑብ ምራዱ ዲበ ለህለዩ ከደማት እጅትማዕየት እግል ልምጽኡ አው ህዩ ዲብ ባካቱ ዲበ ልጥዕም እግል ልትከምከምቱ ለልሐዜ።

ምር እብ ቅደደት ዴሽ ምግብ ለገብእ ናይ ጽርግዮ ጀርቤ ዐሊ፡ አላት አምጽአው ክለ ጽርግዮ አሰክ ነርዐ ክም ትትከደም ገብእ። እለ ጽርግዮ ህዩ ገሌ ክፋል ራህዩት ሀበት። ናይ እምቡላንስ ወነኣይሽ መካይን እግል ልትከረየ ቃድራት ህለዩ። ምናተ አሰክ ተሐት ሰበት ኢበጽሐ ወክም ጽርግዮ ደምሒን ምስል አቅሊም ቅብለት በሐር ቀየሕ ሰበት ኢትራክበ ለሸቅል፡ ምር ምን ጠለባት ናይ ሸዑብ ወሕኩመት እንዴ ረከዘት ለትርእዩ በርናምጅቱ። እለ ጽርግዮ እለ ክመ ናይ ደምሒን ሰኒ ምህም ተ። እግል አርባዕ ምዴርየት በህለት ሰንዐፌ፡ ዐዲቀየሕ፡ ገልዑሎ ወፈር ተአትራክብ። ሰበት እለ እንዴ አተላሌት ዲበ ምግብ መድረሰት ወመርከዝ ዓፍየት እሱሳም እቱ ለህሌነ በጽሐት ምንገብእ ራህየት እግል ቲዴ ትቀድር።

አዜ ላኪን ሰልፍ ክሉ ሐል እግል ልግባእ እግሉ ሕሱብ ለህለ ናይ ማይ መሻክልቱ። ዲብ መንጠቀት



እምባሴራ ገሎ ለትትበህል አካን ከዛናት ወራህያታት እግል ልትከደም ሚዛንዮት እንዴ ፈግረት እሉ እብ ሸዑብ ወዴሽ እግል ልትሸቄ ቱ። እለ ናይ ማይ መሻክል ሐል ረክበ ምንገብእ ዲብ ረኣሰ እምባሴረ ሐቱ ሸብህ መዲነት እንዴ አሰሰክ አዜ ክም መበገሲ ሰበት ህሌት ሸዑብ ምን ሐሲዮት እንዴ ፈግረ ዲብ እለ ሸብህ መዲነት ክም ሰክን መዳላይ ገብእ ህለ። ለህለ መሻክል ናይ ማይቱ። መዳርስ መሻክል አለበኒ አሰክ ካልኣይ ደረጃት መድረሰት ዲብ እምባሴረ ህሌት። ሰበት እለ ምስል አቅሊም ተፋህም እንዴ ገብእ ለጽርግዮ አሰክ አክር ትከሬት ምንገብእ ወእለ ሸብህ መዲነት ትበኔት ምንገብእ፡ ለክቡድ መሻክል ጋብእ ለህለ ሐል እግል ልርከብ



ከምቱ አሰይድ እድረሰ ዐሊ ሸከር ወደሕ። እለ ባካት እለ ዲብ ሰለሰ እዳራት ደዋሒ ለልትደየር ዝያድ 20 አልፍ ሸዑብ ለነቡር ባካት ቱ። እለ ኩሉ ካድም ህዩ እብ መሰዳዳይ ዴሽ ወሸዑብ ገብእ ለህላቱ፡ መሻረከት ዴሽ ለአለቡ ህዩ ዲብ እለ ምዴርየት ለገብእ ካድም ኢህላኒ።

ዲብ ናይ እዳራት ወከደማት ፍርድ ለከሰስ ዲብ እለ ምዴርየት መሻክል ኢህላኒ። ክም አሳሰ ለልትርኤ ዲብ መዲነት ሰንዐፌ መክተብ መሕመት ወሸሪዐት ህለዩ። ምስል እለን ዲብ ክል እዳራት ደዋሒ ሸዑብ እብ ዐድ ዐዱ ናይ ዕሬ ለጅነት ሰበት ህለ እሉ ብዙሕ መሻክል ኢህላኒ። ዲብ ናይ እዳራትመ እምበለ እብ ሕርያን ሸዑብ ለልትሐረው መስኡል እዳራት ደዋሒ ወስክረቱር ናዩ ብዕዳም ዲብ ሸቅል ለሰድምም ሰለሰ ነፈር ምስሉም ለልትሳደው ለትከምከም፡ ክሉ ቀድያት ሸዑብ ለትርኤ እዳራት ደዋሒ እት ክለን ደዋሒ ህሌት እግሉም።

ምዴርየት ሰንዐፌ ዲብ ሕዱድ ሰበት ህሌት ሕዱድ ወተእሲሩ ሚ

እለ ክመ ዲብ ሰዱድ መራሕል ክልኢቱ ሸዑብ ለደረዩ፡ ዲብ ሕዱድ እብ ህለዮቱ አዜመ ክልኢቱ እብ ሕበር እግል ልትነፋዕቱ ለልሐዜ። ዲብ እለ ለሐልፈ ወክድ ህዩ ብዙሕ በርናምጅቱ ለገብእ እብ ኢሮብ እንዴ አሰብደክ አሰክ ባካት ዛለምበሰ፡ አምበሱገለ፡ ሰርሐ ወዲብ ናይ አቡነአምበስ ገብእ ለዐለ ዓያድ እብ አላፍ ለልትዐለብ ሸዑብቱ ምን መዐደይ ሕዱድ ለመጽኦ ወእብ ዐዙመት ለሻረከ።

ምን ኤረትርያመ ዲብ ለትፈናተ ዓያድ ክም ናይ አሸንደ ዐዙመት እብ ትግራይ እንዴ ገብእት ዲብ ዛለምበስ ለሻርክ ሸዑብ ህለ። ሰበት እለ ለመናበረት ናይለ ዲብ ሕዱድ ለህለ ሸዑብ ዲብ ለሐሰት ሐያት ገጸ ትገይስ ህሌት። ጽምዶ አድሕድ እግል ንትራኩብ እግል ልስዴናቱ፡ መናበረትን እግል ለሐሰን እግልናቱ፡ ለዐለ መሻክል ሕሩባት ምኑ እግል ልባለሐናቱ ለትብል ሰእየት ናይ ሸዑብ ዐባይተ ለህሌት። እብ ጃንብ ትግራይ ወኤረትርየ ናይ ክልኢቱ ሳእየት ህሌት እብ ሓለት ሰኔት ቱ ህዩ ለአተላሌ ለህለ።

እብ ጃንብ እዳራት ህዩ ናይ ክልኢቱ ሸዑብ ምራድ ናይ ክል ሸዑብ እዳራት ለህለ ምራድ ሸዑብ እግል ትነዝሙ ወአግቡይ እግል ተአጽብጡ ሰበት ወጅብ ህዩ፡ እብ ጃንብ እዳራት እት ሕዱድ ለህለው መስኡሊን ዶርም ለአገዱ ክም ህለው አሰይድ እድረሰ ዐሊ ሸከር ወዴሕ። ዲበ ለሐልፈ ወክድ ዲብ ዝባን ሐጻ ለገብእ ህዩ ዴሽ፡ ቅደደት፡ ናይለ ክልል ልግባእ ወእዳርዩን ናይለ ኢቃሊም ወምዴርየት ሹሩትም ዐለው። እብ ጃንብ ኤረትርያመ ክምሰልሁ ዴሽ ወሸዑብ እበ ለገብእት ዐዙመት ምስሉም ወዐለው። ለህለ ቲለል ህዩ ሰኒ ለልኣትናይት ቱ። ምን ለሐልፈ ህዩ ብዙሕ ዳርሳም ህለው ወብዙሕ ርእያም ህለው፡ ሰበት እለ ምኒን ወለዐል ጃንብ ትግራይቱ ለልሐዝዩ። ዲብ ሕዱድ ሰበት ህሌነ ህዩ ምስል ሕዱድ ለልትጸበጥ ብዙሕ ምስል ሰዩሳት ወሐያት ዐድነ ለኢገይስ እግል ልሳድፍ ለንጸቡርቱ፡ ምናተ ምስል ሰኒ ለገይስ እኩይመ ሰበት ህለ፡ ዝያድ እግለ ሰኒ እንዴ ርኤነ ወለ እኩይ ለልትከራዕ እቡ በሰር እት እንወዴ ምስተቅበል ነኣነጽር ህሌት እት ልብል ወዴሕ።

“መድረሰት ሰውረት ርእየት፡ አሳስ ቃሊ ነባሪ ገቢል ወሰውረት ኤረትርያ ተ።”

ዶ/ር ዐ-መር ዐ-ሰማን

እትለ ናይ የም ጥብብት ጀሪደት ኤረትርያ ሐዳስ እብ መናሰበት ገዢረት 50 ሰነት መትኣሳስ መድረሰት ሰውረት ዶ/ር ዐ-መር ዐ-ሰማን ምስል ምሮ ምን ወድ 8 ሰነት እንዴ አሰተብደ ዲብ መድረሰት ሰውረት ለደርሰ ወዮም ዲብ ደረጃት ዶክተር ለበጽሐ ደረሳይ መድረሰት ሰውረት ለዐለ ለወደዮ መቃብላት ዳሊት ህሌት ክቅራኣት በኪተት።

ዶ/ር አሰናይ ደሐን መጸእከ ምስል ነፍሰከ እግል ተኣትኣምረክ

ኣነ ሓምድ ዐ-ሰማን ከሊፈ እትበህል። እት ሀበሮ ተወለድት። ፅምር ሰማን ሰነት እት ኣነ ሰነት 1985 መድረሰ ሰውረት ኣቲኩ። ሓቆ ሕርየት አወል ድራሰቼ እግል አተላላይ ቦርዲን ደቅምሐሬ ወሐቀህ፡ መፅሀድ ተእሂል ቲትኣይ ኣቲኩ። እት ማትሪክ ንቅጠት ዲግሪ ሰበት ረከብኩ ጃምዐት አስመረ ኣቲኩ። ምን ጃምዐት አስመረ እብ አወላይ ዲግሪ ደሐርኩ። እት ክልየት ፅሉም ዓፍየት አስመረ ክም ምደርስ እትለ እሸቄ እቲ ዐልኮ ወቅት ካልኣይ ዲግሪ በህለት ማስተርስ እብ ተከሰሰ ፅልም ምክ ወዶክትሪይት (PHD) እብ ፅልም እጅትማዲ ወብሐሰ ምን ጃምዐት ዉሃን ቻይነ ትሽረጅት። ኣዜ ህይ እት ውዛረት ዓፍየት ቅሰም፡ ኤታን ወሲያሰት ዓፍየት እሸቄ ህሌኩ።

ከዶ/ር ሓምድ፡ አምዕል አወል እት መድረሰት ሰውረት ለኣቲክ እት አምዕል ከኣፎ ትትዘከር

እብ አማን ክሉ ወቅት እትዘከረ። እት ወቅት ለህይ እት ደዋይሕነ ሀበሮ መድረሰ ኢዐለት። ሓድ ሐምሰ ደረሰ ለእንገብእ አሰክ መድረሰት ሰውረት አሰማዋ ጃኒ ግሰነ። ፅምርን ንኡሽ ሰበት ዐለ ምስል ሰናትን እግል ንድረሰ ዐፊርብ ግሰነ። ክሉ ሓላት ሓዲስ ቱ ለዐለ። ፈተ ወራሕመት እማት መድረሰት ሰውረት ላኪን እግል ክሉ አተቅደረተኩ። እቲ ክም እምቤ ፅምርን ንኡሽ ሰበት ዐለ፡ ቅሰም ባሕ ሓቲ (01) ኣቲኩ። ድራሰት ህግዮ ትግሬ ህይ እት ባሕ አርባፅ (04) ትትህዩብ ሰበት ዐለት። አሰክ እት እንገይሰ እንደርሰ ዐልነ። ምስል ወቅት ህይ እግል አሰነዮት ሓለትኩ እት ባሕ አርባፅ ተኣክብነ ወድራሰትን አተላሌኩ። እትለ መድረሰት ሰውረት እትለ ኣቲነ እቲ ወቅት ነብረ ክም ምራድነ እንረክብ ዐልነ። እት ወቅት ሰነብመ ሓቲ ሸፈት ሰለአሰ አርባፅ ምስል እንለብሰ። ወቅት ነዳፈትመ እማት መድረሰት ሰውረት እብ ተርተረት ክልነ እት ለሐጽብ ልትዘከረኒ።

አምዕላይ ወራታት መድረሰት ሰውረት ከፎ ትሸረሐ

ጡብዐን ክመ ተኣምሩ፡ ክሉ አምዓላይ ወራታት መድረሰት ሰውረት እብ ሳዓት ሰርፅ ቱ። አሰቦሕ እንቀንጽ፡ እንሸይን፡ ገጽነ ነሐጽብ፡ ነኣፈዋር ወመድረሰት እንገይሰ። እት መድረሰት እት ፍንጌ ፅርፍ ህለ። እተ ደዋሕነ እት ንተልሂ

ወንትሃጀክ ነሓልፋ። ምን መድረሰት ክም ዐቅበልነ ንጸባሕ ወእንሰክብ። ምኑ ደዋይሕ ሳዓት አርባፅ ነሓፍዝ። ሓቆ ድራር ህይ ሕፍዝ ህለ። እተ ወቅት ለህይ ከርሀበት ዐለት። ወክም ምራድነ እግል ንሕፈዝ እንቀድር ዐልነ።

ሰሩ አውቃት፡ ጥያራት አባይ ሰበት መጽኣኑ፡ አምዕል እብ ግዲደ እት ኣብዓት ለእንውዕል ወላሊ እግል ድራሰት ልግባእ መብዕድ አምዕላይ መንበርን ለእንፈግር እቲ አውቃትመ ዐለ። እብ ጥያራት አባይ ለአስተሸሀደው ደረሰ መድረሰት ሰውረትመ ህለው። እብ ፅሙማይ ንዳል አጅል ሕርየት እብ ክሉ ፍይኣት ቱ ለዐለ።

ወዶል ሺድዮታት እብ ዋልዴን ወመስኢሉን መድረሰት ሰውረት እንዴ ተሌነ እንረኤ። እሊ ሕነ ነኣይሽ ሰበት ዐልናቱ ልኢኮን፡ እት ሰነብት ለልተገዮሱ ሰውራ ፅንጨይቲ (ሰውረት ፅጨይ) ለለትበህል፡ ፊራሮ ኣሪ ፅጨይ፡ ኬወ ውበዕድ ካድመ ዐለ። እት ሰነብት ህይ ኩረት ንተልሄ፡ ሰሚናራት ወዱ እኩ፡ ታሪክ ኤረትርያ እንደረሰ፡ ጭገርነ ነሓጨር፡ ወነፍሰነ ህይ እብ ሙረብያት መድረሰት ሰውረት ነድፍ እነ ዐለ። እግል መስል ከረ ሺድዮታት ናይ ቻርለስ ቻፕሊን፡ ማርሻል ኣርትሰ ናይ ቻይኑ፡ ናይ ናሽናል ጂኦግራፊ ከፈፍል ውብዕድ ንትፈረጀ ዐልነ። ሓቲ እምር አምዕል እት መድረሰት ሰውረት ክእነ ትመስል።



ደረሰ መድረሰት ሰውረት ምስል መኪነት ዲብ ልትፋግዖ (ዘሮ 1977)

እብ ሰበት ሰውረትን ንዳል ውበዕድ ለሽዐርክ እቲ ወቅት ምዶል ቱ

ቀደም ግያሽ አሰክ መድረሰት ሰውረት፡ ወቅት ስቲር ወራር፡ እት ዐድነ ሐርብ ፍንጌ ጀብህት ወዴሽ ደርጊ ጋብእ ዐለ። ከዐድነ እት ለጅኤ፡ ወዐባዩ ንዋይኑ፡ ነስአው፡ ፍላን ቀትለው ውብዕድ እት ልብሎ ልትዘከረኒ። እት መድረሰት ሰውረት

ክም ግሰኮ ህይ እብለ እንረክቦ ለዐልነ ታሪክ ወዕልም ምን ገብእ፡ ወናይ ክል ምዕል ሓድሳት እንደርሱ ዐልነ። ምናድሊን ምናም ለልትረድ ነፈር ህለ መስለነ ኢዐለ። ወክምስልሆም እግል ንግባእ፡ ንንዳል ወዐድነ ነሐርር ንተምኔ ዐልነ። ተሕሪር መዲነት አፍዐበት ወዐመልየት ፈንቅል ሰኒ እዘከረኒ። ተሓሪር መዲነት ባጽዕ እትለ ሳደፈ እቲ ወቅት፡ እት እጅትማፅ ጋንታ ዐልነ። ኣዜ ክሉ ወቅት ዐውቱ ህሌት ምን ገብእ፡ ጥለግ ልትላከፍ። እሉ ክም ሰመዐነ ህይ ፈርሐትን እንሸርሕ ዐልነ።

ደረሰ መድረሰት ሰውረት “ሕነ ግል ንናድል እምበል እግል ንድረሰ ኢመጽኣነ” ልብሎ እቲ ለዐለው፡ እብ “ሕማም ተውዘፅ” ለልትአመር አፍካር ወአውቃት ከኣፎ ትትዘከር

እሊ ሕማም ተውዘፅ፡ እንዴ አቀደመ እት ሰብዓታት ወኣላይ ሰናታት መድረሰት ሰውረት እት በዓት ቢጫይ (ዘሮ) እት እንተ ለኣንበታ ቱ። እግልሚ ለአዋላያም ደረሰ መድረሰት ክም ህሌትመ እንዴ ኢለአምሮ እግል ልትሓረቦ ሌጡ፡ አሰክ ሰውረት ለፈግረው ዐለው። ክም እነ እት ለሐሰቦ፡ ፅምሮም ንኡሽ ሰበት ዐለ ህይ፡ መስኢሉን ሰውረት አሰክ መድረሰት ነድእምዎ ዐለው። እግል መስል ለእዘከሩ፡ ደረሰ የም ምን መድረሰት ሰውረት እንዴ ሀርበው አሰክ ድፋዕ ገይሶ ወበሉም ዐለው። ለዐረብየት ለበልሰቶም እንዴ ኣካነ ኢትበጼሕ ተዐቀብል ህይ እብ ተቃርብ እንዴ ባድረወ እት ኣካነ ዴሽ ለጸነሐ እቲ አውቃትመ ዐለ።

ሙረብያት ምደረሲን ወመስኢሉን መድረሰት ሰውረት ከኣፎ ትትዘከር?

ናይ እሎም ታእሪክ ለተኣትፈክር ቱ። ሓቲ ምረብየት እግል ምለዐል ዐስር ነፈር እግል ትሕጽብ፡ ተኣብሌፅ፡ ምን ለሐም እግል ዕያደት ትንሳእ።

መዐልመት ዐዘዘ፡ መምህር ዳዊት፡ መምህር ሰናይት ውብዕዳም ምንለ እት ዘከርም ምድረሲንዬ ቶም። ከረ ወይኒ ዒቲ፡ መምህር በላይ፡ አሰካሉ ውብዕዳም ብዘሓም ቶም ምረብየትን ለዐለው። እብ ክሉ ዋቅያም ወፈዳብያም እግል ንግባእ ህይ፡ እብ ክለ ቅደረቶም ከደመውኑ። እለ የም ባጽሓመ ለህሌነ ደረጃት ህይ እብ ፈድሎም ወክድመቶም ለበጽሐናሃ ቱ።

አወል መድረሰት ሰውረት ክም አቲክ እምክ አው ሙረብየትክ ለዐለት ምን ቱ

እት ባሕ ሓቲ ብዘሕ ኢወዴኩ እት ባሕ አርባፅ እት ሕነ ላኪን እምዬ ለዐለት፡ እም አሰካሉ ትትበህል። ኣብለዕተኩ፡ አሰቲተኩ፡ ምን ነሐምም ዳዊተኩ፡ ዓቤትን ወእትለ ደረጃት ኣብጸሕተኩ።

ዶ/ር ሓምድ ምን መድረሰት ሰውረት አሰክ እለ ባጽሐ ለህሌክ ደረጃት ዶክትሪይት፡ ወእሊ የም ለህለ ሓምድ፡ ተረት ወተእሊር መድረሰት፡ እት ነፍሰከ ከፎ ትሸረሐ

ለበዝሐ ምን አፍካር፡ አደብዬ፡ ርእየቼ ውብዕድ እት መድረሰት ሰውረት ለትብና ቱ። አዋላይት ለአርፈዕተነ ወኣድረሰናቱ ጠባዩፅ ምን እሰማ። እት አሮ እንዴ ኢትተንክብ ነፍሰክ ቀዲር፡ በህለት መተንክብ እት ናሱ፡ እትለ ተፈረርክ እቲ ሸቅል እብ ጅህድ ወመፅጸም እምበል ኢመትሐላል ከዲም፡ ፈተ ሸቅል፡ ሰብር ወክህላት፡ እቢ ሐሰት ወፍቲ አማን፡ መትመሰባል ውብዕድ ቱ። እትለ በዝሐው ደረሰ መድረሰት ሰውረት ለትረክቡመ ህቱቱ። ፍቲ ወጠን፡ መለሀይክ ሳዐዶት፡ ዐሽም ካድም፡ ኢመትሓላል፡ ኢሕምቅኩ፡ መስል ግብኣት ምነ ምህም ኣክላቅና ቱ ለዐለ። እሊ ለምህም ቅየም ወመባድእ ምን ቤት ምህር ሰውረት ለደረሰናሁ ቱ። ምለዐል ክሉ ህይ እብ መትሰባል እግል ሽዑብዬ ወገቢልዬ እግል እክደም አተቅደረተኒ።

ተረት ቤት ምህር ሰውረት እት ዘበን ሰውረት ወሕርርት ኤረትርያ ከኣፎ ትሸረሐ

ደረሰ መድረሰት ሰውረት እት ግሪ ድፋዕ አባይ እንዴ ሐልፈው ምን ገብእ ወሕሩር ኣራዲ፡ ገቢል እግል አፍዝየት ወኣድረሰት ላሊ ወአምዕል ከድመው ወቃሊ ዐውል ደፈዐው። ከደማት ዓፍየት ቀደመው፡ ወእት ዴሽ እንዴ ትወዘዐው፡ ክም ተክኒሻናት ረዋዲ እትሳል፡ አፕሪይተራት፡ መሀንድሲን፡ በሕርየ፡ ምድረሲን ውብዕድ ተረት ዐባይ አግደው።

እት ዝራዐት፡ መዳርስ ምህናት፡ ዴሽ፡ መኣሳሳት ሰውረት፡ ቅዋት ባሕርያ ውብዕድ ክሉ ጅሃት ሰውረት እብ መትሰባል ከድመው ወእት አምጸኣት ሕርየት ኤረትርያ ተረቶም አውፈው። እሊ ሌጠ እንዴ ኢገብእ ሓቆ ሕርየትመ፡ እት ክሉ መኣሳሳት እለ ደውለት አሰርም ጸነሐክ። እት



መዳርስ ምህነት፡ ዕስክርየት፡ ቀዋት በሐር ወጀው፡ መርሸን ባንድ፡ ባህሊ፡ ሕክምኑ፡ ዝራዐት፡ እዳረት፡ ሰያሰት ሰሓፊት ውብዕድ ለመሰሉ ክሉ ጀሃት እለ ወጠን እቲ እንዴ ትፈረረው ወትፈንጠረው፡ ዋጅቦም አግደው ወለኣገዱ ህለው።

ደረሰ መድረሰት ሰውረት ለኢሻርኮ እቲ ካድም እት ዘበን ሰውረት ምን ገብእ ወሕርርት ኤረትርያ ኢህለ። እሊ ለለኣደርሰናተ ምን ተህሌ፡ እብ ናይ ዶሎ ተሓዲ እንዴ ኢትትሐለል፡ ቃሊ ነባሪ ገቢል እንዴ ረፈዕኩ፡ እምበል ህኩት ላሊ ወአምዕል ከዲም ቱ። እት ዐውቱ ለለኣበጼሕ ወህቱቱ መባድእ ቤት ምህር ሰውረት። ጠባይያም ህይ መትሰባል ወዐውል እግል ወጠን እግል ደፊዕ መትሰባዳር ሌጣ ቱ። እለ ደውለት እብ እስትሸሃድ፡ መትሰባል ወካድም ወላድ ወጠን ለመጽኣት ክም ተ ለኣምኖ ወእግል ዐቦተ ላሊ ወአምዕል ከድም።

መድረሰት ሰውረት፡ እግልክ ሚ ቱ፡ ለኣፎ ትሸረሐ

መድረሰት ሰውረት ርእየት፡ አሳስ ቃሊ ነባሪ ገቢል ወሰውረት እርትርያ ቱ። ርእየት ሌጠ እንዴ ኢገብእ፡ ለሕሩይ እት ክል ወቅት፡ ክል ነፈር እግል ልትነፈሰ እቡ ለቀድር፡ መትሰባል፡ ፈተ ወጠን ወሸቅል፡ ኢመትሐላል፡ ምልህየት፡ ፈተ ሽዐብ፡ አትመዋት አማነት ሹሀዳእ ወለመሰሉ ነባሪ፡ ለአሰብዴት፡ በኔት ወእት ለትወቀለት ደረጃት ለዐቤት፡ አሳስ ሓዋዋ ነባሪ ወዓዳት ገቢል ኤረትርያ ቱ።

እት ኣክር እብ ሰበት ቤት ምህር ሰውረት እግል ቲበለ ለተሐዜ ምን ተህሌ

እግል ኢበለ ለሐዜ ምን ተህሌ፡ ሕነ እት መድረሰት ሰውረት እት ነኣቲ፡ ነኣይሽ ወሐቲ ለኢነአምር ቱ ለዐለልነ። እማትን አው ሙረብያትን፡ ምደረሲን፡ ወመስኢሉን ለዐለው፡ ለበዝሐው ምን ዋወር ድወል ሽሃዳቶም ወዋዕም መናበረት እንዴ ሐድገው፡ እግል አምጸኣት ሕርየት ኤረትርያ ለመጽኣው ዐለው። ፅምሮም፡ ወቅቶም፡ ቅደረቶም ወመስተቅብሎም እግልን ደፈዐው። እግሎም ሐምድ።



ሄለል ሰብተምበር፡ እስተንቡረት ንዓል ሐቅ ወዐድል

3ይ ወናይ ደንበበ ክፈል

ፍሬ ንዓል ወእስትሸሃድ

ለተሐብን ፈራሰት ወንዳል አንሳት ዲብ ንዓል ተሕሪር፡ ዲብ ሐዲስ አው ዘበናይ ተእሪክ ገባይል ዐለምኤ፡ ለልትመግወሩ ሐድ ሌጣቱ ለልትረከብ ምን ልትበህል አትራዝቅ ኢኮን። እብ ዐደድ ለአለቡ ምስትንክራት ርዙቅ ኖሱ ምን ገብአ ህዬ፡ አትራዝቅ፡ ዓረርት ወናቀቸት ኢሊሐዜ። እምበል ሸክ፡ ንዓል ሸቡብ ኤረትርየ ጀለ ሕርየት እምበል ተረት ወመሻረከት አንሳት በታተን ታምም ወኢገብአ። ሰበት እሊ ዶር ወአካን አንሳት ኤረትርየ ዲብ ተእሪክ ንዓልን ቃልዩ ለአለቡ ሰኒ ቃሊቱ።

ከእብ ዐመል መሻረከት አንሳት ወለደፍዐያሁ እስትሸሃድ ቃሊ እግል ዐውቱ ሸቡብ ኤረትርየ ትቡት ወደዩ ሌጠ እንዴ ኢገብአ፡ ድንገር አፍካር ምን ቅርዱ እንዴ ነቅለ ለክፈዩ፡ ለትመሳወ መዐየ እግል ልትነደቅ ለገብአ ንዓል ህዬ እብ ገያደት ሰኒ ወአማን ቀደም ዋለዩ። ዲብ ተእሪክ ሐረካት ተሕሪር ዐለምኤ ህዬ ዛህረት ሰኒ ፍንቲት ተ። ዲብለ ትሰደድ፡ እስትሸሃድ ብዙሕ ለደፈዐ እቱ ወሐርብ ድቁብ ገብእ እቱ ለዐለ መራሕል ናይ ንዓል ተሕሪር፡ ሐድ 30 ምእታይት ናይ ሙናድሊን ጀብህት ሸቡብየት አንሳት ሰበት ዐለየ ለልትደፈዐ ዐውል አክል አዩ ክቡድ ክም ዐለ እግል ትፍህም ለልሐይል ኢኮን። ናይል ዲብለ ትፈናተ አካናት ዲብ ቀበት ዐድ ወካርጅ እንዴ ገብአየ ዲብ ሐን ዕዛል ጀብህት ሸቡብየት እንዴ ትዝመየ ናድለ ለዐለየ አንሳት ኤረትርየ ለዐለት



ቀዳምያት ሙናድሊን ጀብህት ሸቡብየት ወርቁ ዘርአይ፡አበራሽ መልአኪ፡ ደሃብ ተስፋጽዮን፡ መዓሽ ገብረመድህን

እለን ተረት ህዬ ምስል ብዕድ መትካም ገቢል ዶል ልትቃረን ለዐቤት ዐለት።

እሊ ለሐሐብን ናይ ተእሪክ ዶር እሊ፡ አንሳት ኤረትርየ እግል ዲብ ናይ አዐይ ነበርይ (traditional role) ክፋፅ ለዐለ ዶረን ዲብ ክሉ መጃላት እንዴ ፈይሐ፡ ስያስያይ፡ እቅትሳድያይ፡ እጅትማዕያይ ወናይ ዓዳት መትዐዳየን እግል ለአክደ ለአቅደረየን ቱ። ለዲብ እዋን

ሙናድሊት ትበደለት። ሰውረትነ ህዬ እምበል መሻረከት አንሳይት ወኢተዐወተ። እሊ አስክ እለ ዲብ ኤረትርየት አንሳት ርኡይ ለህለ ተቅዩር መትቀዳም ዐቢ ምንማቱ እግል ነኣማድድ እቡ አለብኤ። ... ዲብ ኤረትርየ እግል ውላድ ተብዕን ለትቀተረ እብ አዋልድ አንሳት ለኢልትበጸሕ አካናት እግል ለህሌ አለቡ።

ለእብ መናሰበት እየቤል ፍዲ እስትቅላል ኤረትርየ ለትጠበዐ



ንዓል ለተሐሌት “ደሐን ለሀበክ ውሻጢ” (ደአም መርኢትነ ክርፍ) ለትብል ሕላየት እምር፡ እግል አንሳይት ኤረትርየ ለባተኩቱ አቀይድ ለትበይንተ።

እሊ እብ ሐሊት ንዓል ወእስትሸሃድ ቃሊ ወውቅል መሻረከት አንሳት ለተአከደ ተቅዩር አሳሲ፡ ዲብ ሙስተቅለት ኤረትርየመ እንዴ ተረደ ጀላብ እግል ለአተላሌ፡ ዲብ ሰነት 1994 ለአጅተመዐ ሳልስ ሙእተመር ጀብህት ሸቡብየት ለፈግረት መስወደት ጀብህት ሸቡብየት ቀድየት ሕቁቅ ወመሳዋት አንሳት እብ ክእነ ተሌ ውስቅቱ ሀሌት።

“... ለክም መክሉቀት ድዒፈት ወሐዋኒት እግል ሰኒን ወድኒን ምንተሐት እናስ እንዴ ትትዐለብ ደህስ ትገብእ ለነብረት አንሳይት ኤረትርየ፡ ድፉን ነበር ለዐለ ናይ አደሚ ደቅበ ፈድል ሰውረት ገበይ እንዴ ትፈተሐት እሉ ምን ሐሳስ ዲብ ትርድት

ክታብ ዲቡ ክምኩም ለህለ ቅሰስ ሐጫይር ህዬ፡ ኤረትርየት አንሳት ድድ እስትዕማር ወድንገር ዓዳት ንዓል ዕጹፍ እንዴ ናደለየ እስትቅላል ወጠን፡ መሳዋት ፍንጌ ክልኦት ለጅንስ ወሕቁቀን እግል ለአክደ ለሐልፈያሁ ሄራር ጽኖዕ፡ ለወደያሁ ምስትንክራት ወለደፍዐያሁ እስትሸሃድ ቃሊ እግል ለአርኤ ለወዋንቱ። እትሊ ክታብ ክምኩም ለህለ ቅሰስ ሳኪን፡ እግል ተእሪክ ወፈራሰት አንሳት እብ ከማል እግል ልሸረሕ ለቀድር ምንመ ኢኮን ገሌ ሱረት እግል ልክለቅ ለቀድርቱ። ክምስልሁመ እግል ፈይሐ ወለቀረ ድራሳት ወብሐስ ለደርክ እግል ልግበእ ልትሰኤ። ለመጃል አስክ እለ እበ አሻሁ ሰበት ሀሌ።

ፈንመ ዝናር አንሳይት ቱ


አንሳት ጅን ምን ትወለደ አስክ ለዐቤ ሕላየን እት

ሰሚዕቱ ለለዐቤ ወለለአብር። ሕላየን ፍቲ፡ ረሕመት፡ ሐማስ ወመራካት፡ ምርወት ወፈራሰት፡ በሕ ከህላት እግል እት ሕሸመትከ ወሸረፍከ ለልትዐዴ፡ ሸቡር ክሉ ሐቅ ወጠን ለቀስቅሰቱ። ሰውረት እበ ቅናጽተ ሰልሐን እንዴ ረፍዐየ እግል ልፍገረ እት ምንመ ኢቀድረየ እብ ሕላየን ጤልማይ ገንገረየ ወፍራሰ

ዐንደቀዩ። እት ሰውረት ጽዋረን ክም ረፍዐያመ እት መጃል ፈን አግደ መሻርከት እንዴ ገብአየ ቅድረተን አርአየ። ምን ፋርሳት ሐልየ ወሹዐረ ሐቱ ምሕርባይት ሸሂደት እምነ ዜነብ ያሲን ተ። እት ሄለል ሰብተምበር ነህድግ ሰበት ሀሌን እምነ ዜነብ ምስል እለ መናሰበት ለቱል ሕላየት ሀሌት።

ፋርስ እት መስረሕ ለሐሌት ፋርስት

ሰነት 1987 እት ዎሮ ምን አወድግ ዐፊርብ እት ወደግ መድረሰት ሰውረት - ዐፊርብ- አወላይ መሀረጃን ወጠን ለገብአ እቱ ወቅት ቱ። መሻርከት ምን ለትፈናተየ ውሕዳት ጀብህት ሸቡብየት፡ ምን ድፍዓት ወደገረት ሰውረት ለመጽአው ሙናድሊን፡ ምን ለትፈናተ አካናት ኤረትርየ ወካርጅ ለተዐዘመ ሸቡብ ዐለ።



ምሕርባይት ሸሂደት ዘነብ ያሲን

የም ክልኤ ሰፕተምበር ባካት ሳዐት ሰማን ናይ ምሴ መሻርከት ዲብ ሕግስ ደብር እንዴ ገብአው፡ አተላላይ ናይል ምዕል ቀዳሚት ለአንበተ ዕፌ ሐልየት ወተማሲል ዲብ ልትፈረጅ፡ መመቅረሓይ ናይል መሀረጃን ሙናድል

ሰሎሞን ጸሃዩ፡ ምሕርባይ ሼክ እብራሂም ሱልጣን ምን ብዙሕ ዕሉታት እለ ተአምርተ ንዓል ወዐውቱ ላተ አምዕል ሄለል ሰፕተምበር ዲብ ክም አስተሸህደ አክበረ።


“ምሕርባይ አቡነ ሼክ እብራሂም ሱልጣን ምን እለን 365 አምዒላት ናይ እለ ሰነት፡ አምዕል መትአንባት ንዓል ሰለሕ ተሕሪር ኤረትርየ እንዴ ሐረ ዲብ አስተሸህደቱ ዐጃይብቱ!” ህዬ ቤል። ለዶል ክሉ መሻርኪይ እብ እስትሸሃድ ምሕርባይ አቡነ ሼክ እብራሂም ሱልጣን እት ተማስ ዝክርያት ትሸመመ።

ለመሻርከት ትም ብህላም እት እንቶም፡ ወለት 70 ሰነት ለትገብእ እም፡ ሰይፍ ዲብ ትወታውት እት መስረሕ እንዴ ፈግረት ‘ሄዐ’ ወዴት። ሄዐ፡ ሓይስ ዶል መይት እግል ሕሸመቱ ለልትበህል እብ ትልህየ ለተለ ፈን ለቡ ሸክል ሕላይ ቱ። ክሉ መተቅብላይ እብለ እም ተዐጀቡ። አክል እሊ ዕምረ እሲት ዐባይ ዲብ ቀደም ክሉ እሊ ሸቡብ እንዴ ፈግረት ሄዐ ለትቤ፡ ምሕርባይት እምነ ዜነብ ያሲንተ። ክበር እስትሸሃድ አቡነ እብራሂም ክም ሰምዐት ክም ክሉ አዳም እብ እስትንተን ለኢጠ እግል ትሕለፍ ኢሐዜት፡ እት ዶል ሸዕር ወለሐን እንዴ አፍገረት ለልትከበተ ምን እንዴ ነዘመት እት መስረሕ ፈግረት። ህተ ትረፌዕ ወመልሂተ እት ልትከበተ ህዩ ክእነ ቤለዩ።

አዎየይ ዎ፡ አዎየይ ዎ!
አዎየይ ዎ፡ ለፋርስ ዎ
አዎየይ ዎ፡ ለሓይስ ዎ
ለፋርስ ፋርስ ምን እንብሉ
እት ሰናቱ ዎሮ ኢመስሉ
ለፋርስ ፋርስ ምን እንብሉ
ጅንግላይ ቱ ዎሮ ኢተክሉ
ለፋርስ ፋርስ ወድ ዐበሌ
ያሬት የም ምንዲ ለህሌ ...

ምሕርባይት ሸሂደት ዜነብ ያሲን እት ብዙሕ መናሰበት ሙናድሊን አንሶም ወተብዐቶም እትለ ክሉ ወቀዮም ለልሐምድ ወሐበን ለለህይብ ሐልየት ብህለት ተ።

ዴማት፡ ክታብ ንዓል አንሳት



ዕምር ለኢክርዑ ቀልብ ድፈዕ ወጠን



ጠቢባታይ ድድ-ባልዒን ለሽቀ በዐል መቅደረት

ሰአል፡ ምስሊ ትደሐርክ እቡ መጃል እግል ተአትኦምሪኝ?

በሊሱ እት ኩልየት ሐርስ ሐመልማሎ፡ መጃል መዳፍዐት ወግፍየት ብቅል (Plant Protection) ደረሰኝ። እሊ መጃል እሊ ምስል ዕሉም ሐያት እበ ቡ ተ ዕላቀት ቱ ለሐፊክወ። ምህርዬ ክም አትመምኑ ህዬ፡ እት ውዛረት ሐርስ አቅሊም ግብለት ምዳየት ማይምኔ ትወዘዐኝ። ክም ቄድራይ ዓፍየት ብቅል እንዴ ገአኑ፡ እግል መደት 10 ሰነት ሻቂ ህሊኑ።

ሰአል፡ ምስል ሐርስ ለብዮት ዕላቀት ሚ ትመስል?

በሊሱ ክም ወድ ሐረስታይ፡ ምስል ወራታት ሐርስ ወርዕዮ ዓቢ አኑ። ክ'መ ናይ ዋልዴንዬ ሐርስ ወርዕዮ እፈቱ። ሐርስ ታክያት እቅትሳድ ወጠን ቱ ለልብል መብደእ ሰበት ብዬ ህዬ ምን ሰልፍዬ ሰኒ እፈትዩ።

ሰአል፡ እብ ክሰላፊ ጠቢባታይ ድድ-ባልዒን እግል ትጠውር ለወዳኑ ብሐሰ ውክክክ?

በሊሱ ሐረስቶት ዐድኑ፡ 'ሕርያን ሰአን' እት ልብሎ ቀመማት እት ነሰሶ ባልዕን እንዴ ዳፍዐው እተዮም እግል ለአበርክቶ ልትጸገሞ ዲብ ትርእዮም፡ ለአሰፋኩ፡ እሊ ቱ ህዬ ዲብ ብሐሰ ጠቢባታይ ድድ-ባልዒን ክም አቱ ለወዳኑ፡ እብ ዐቢሁ ህዬ፡ ምድረት ኪማእያት ባልዒን ሰኒ አሰፊኒ።

ዜናዊ ዘካርያስ ልትብህል። እት አቅሊም ግብለት፡ መክተብ ሐርስ ምዴርየት ማይምኔ፡ በዐል መቅደረት ዐቂብ ዓፍየት ብቅል ቱ። እት ምዴርየት ማይ ምኔ ዐዲ-ጭጎኖ ለትወለደ ወዐብ፡ መክንብታይት ደረጀት እት ዐዲ-ጭጎኖ፡ ምግባይ ወክልኢይ ደረጀት እት መድረሰት ማይ-ምኔ ደርሰ። እት ሰነት ድራሰት 2011/2012 ክድመቱ እግል ለአግዴ ወ12ይ ፈሰል እግል ልድረስ ምስል 25ይት ደውረት ክድመት ወጠን ሳዋ ትክረ። ሐቀህ ኩልየት ለትአትዩ ንቅጠት ሰበት ረክቡ፡ ኩልየት ሐርስ ሐመልማሎ እት አተ። እብ መጃል ዓፍየት ብቅል (Plant Protection) ህዬ እብ ዲግሪ ትደሐረ። ሻቂ ዜናዊ፡ ለደርሰዬ መጃል እት ፍዕል እት ለአውዕል፡ እግል ሐረስቶት ለልኦርኔ ምህዞ ድድ-ባልዒን ሻቂ ህሊ። ብርሃኔ ዐንደመስቀል ለወደዮ ምስሉ መቃበለት እሊ ተ'ሌ ቱ፡ ቅራኡት በኪተት።

ሰትራተኛየት ውዛረት ሐርስ ህዬ ዲብ ጠቢአታይ ድድ-ባልዒን እግል ንትዐዴ ቱ ለተአትኖይት። ሰበት እሊ ምን ተጃርብ ለርኤክወ ምስል ህደፍ ውዛረት ሐርስ እንዴ አትርኤኩ፡ እትሊ ሽቅል ብሐሰ እግል እቱ ትሰጀዐኝ።

ሰአል፡ ምስሊ ኖስክ ለሽቀኑ ጠቢአታይ ድድ-ባልዒን እግል ተአትኦምሪኝ።

በሊሱ እሰልፍ እሊ ጠቢአታይ ድድ-ባልዒን እት እሽቁ፡ እግል ኪማእያይ ድድ-ባልዕ ለበድል እቡ ፍክር እቡ ትበገስኩ። ሐቂ ብዞሕ



ለትመሀን ድድ-ባልዒን

ትባጽሐ ፈጻልዮቱ?

በሊሱ እት ሐረስቶት ቀደም ልትወዘዕ እግል እንሰኡ ለዐለ እዩ ምስዳራት ዐለ። ፈዛዐት ወፈህም ሐረስቶት ወቀሎት ለአትሐዜ። እት ለትፈናተ ደገጊት ማይ-ምኔ ዲብ እገይሱ፡ ተዕቢኡት ወድሩሰ ህብኩ። ሐረስቶት ህዬ እብ ቀልብ ናሴሕ ወሕሰር ትክበተወ ወዲብ መሰለሐት አውዐለወ። ሐቀህ አምዕል ሐረስቶት ክም ወዳነ ወዲብ "ኤራ-ቲቪ" ክም ትጠለቀ፡ ሐረስቶት አምነው ወእግል ልቅረቡን አንበተወ።

መሰለን፡ አሰክ ወሬሕ ማዮ 2026፡ 3000 ልትር ድድ-ባልዒን እንዴ አዳለው ልትነፍዖት ህለው። ሐረስቶት እሊ ጠቢባታይ ድድ-ባልዒን ለሐዘው እቡ ለአተቅደረዮም አሰባብ፡ ለትአፈግሩ ዲቡ ማል ብዞሕ ሰበት አለቡ፡ ምን ቅሩብ ለረከቡ፡ ወእብ ቀላል ምን አጥራፎም እግል ልሸቀወ ሰበት ቀድሮ ቱ።

ሰአል፡ እሊ ሻቂህ ለህሊክ ጠቢባታይ ድድ-ባልዒን እት አዳም ምድረት ክም ኢለኦመጽእ ተአክድክ ምኑ ገብእ?

በሊሱ እሊ ጠቢባታይ ድድ-ባልዒን፡ እት ዐፍየት መዐየ ለገአት ምድረት ኢረከብን ዲቡ። አጥራፍ ኢለኦክሴሕ፡ ከሳይር እቅትሳድመ አለቡ። ምን ቅሩብ ለረከቡ ብቅል አጥራፍ ምኑ ልትሸቁ። እምበልሁመ ክመ ለረኤናህ፡ እግል ዲብ ልትረሸሸ ብቅለት፡ ሰለሰ መንፈዐት ለህደቡ። ምን ባልዒን ዳፈዕ እሊ፡ ካልእ ክም ነብረ ገብእ እሊ፡ ወሳልሰመ ክም ዜድ ገብእ እሊ ከነፈዐ። እሊ ህዬ እግል ዘርእ ራዊ፡ በላጋታት ወለልትዓጸፍ

ቀጠፍ እግል ለህሊ እሊ ሰዴ። እት አበርካት እተይ ህዬ ዶር ዛይድ ቡ።

ሰአል፡ እሊ ምህዞ እምበል ዲብ ሐረስቶት ብዕድ እቱ ትቀድሙ መናሰባት ራክብ እንተ ገብእ?

በሊሱ እሊ ምህዞ፡ እሰልፍ እት ምዴርየት ማይምኔ እት ገአት ሳምን ሸባብ፡ ቀደምክወ። እት መናሰበት



አሰደድ ዜናዊ ዘካርያስ

ለህ እንዴ ተዐውተ ህዬ፡ አሰክ ዲብ ናይ አቅሊም ወ ዱለት በጽሐ። እት ወሬሕ ማዮ እብ ደረጀት ወጠን እት ገእ ጅግረ ምህዞ ወሰናዐት መሕበር ወጠን ሸባብ ወደረሰ ህዬ ሰልፋይ እንዴ ገእ ጃእዘት ነሰኡ።

ሰአል፡ ምስጢር ዐውቱክ ሚ ዐለ ትብል?

በሊሱ ምን ጠቢዕያይ ሓጃት ምን ትሸቁ፡ ክምስልሁመ እግል ሐረስቶት ክም በዲር ሐል ድድ-ባልዒን ምን ገኡቱ እብል።

ሰአል፡ እሊ ምህዞ እት ሐረስቶት እግል አትባጽሐቱ ለህሊ እልክ ስታት ህዩ?

በሊሱ እብ ቅድረጅተ እትጸገም ህሊኑ። ደው ድድ-ባልዒን ሰበት ቱ፡ እብ ቅደስ-ቅደሱ እት ክል ሐረስታይ፡ ወየምክን እት ተሰዲርመ እግል ልብጸሕ ሰእየቼ ቱ። እትሊ ህዬ ውዛረት ሐርስ ምን ገብእ ውብዕዳት ጀሃት እግል ልሰደያኒ እትፋኔ።

ቴክኖሎጂ ሐርስ

ኖርወይ፡ አፍረዮት እብ ሻፍገት ለልዐቤ ደወርህ እግል ተአትካርም ቀረረት

መሻፊዕ ተዋብ ደወርህ ኖርወይ፡ እት ዱለት ለህሊ ኩሉ መአሰሳት አፍረዮት ደወርህ፡ እት ቀበት ወክድ ሐጨር እንዴ ዐበ ዲብ መዓል እስትህላክ ሰገ ለልውዕል ደወርህ (Fast-Growing Broilers) አፍረዮቱ እግል ለአብዮር፡ ክምስልሁመ እግል ተብዕን ሰወሲት በይኑ እንዴ ዓሬክ ናይ ቃታል አፍዓል እግል ለአብዮር ለትጀብር ሰትራተኛየት ሐዳስ ክም አፍገረ ተአመረ።

እብ አሳሰለ ሐዳስ ሰዮሰት፡ ክሉ እት ዱለት ለህሊ መአሰሳት ደወርህ ሰገ፡ ምን ዮም 31 ዲሰምበር ሰነት 2027 ወሐር እብ ተማሙ እግል ልብጠር ቱ። እብሊ ህዬ፡ ኖርወይ፡ እት እዲን እግል እግል ሰገ ለልትሐረድ እብ ሻፍገት ለልዐቤ ወልትረሸድ ደወርህ፡ እብ ተማሙ ለአብጠረት ዱለት እግል ትግበእ ክም ቱ። ለዲብ ሸበኩት ሐበሬ "Agro-review" ለፈግረት ሐብሬተአክድ።

እምበል እሊመ ኖርወይ፡ ብዕድ ስታት ጸብጠት ህሊኑ። ህቱ ህዬ፡ መተውበት ደወር፡ ሰወሲት ልሰዕ ዲብ ደረጀት ቤጭ እት እንቱ፡ ተብዕን ቱ መክንሳት አክል-ሕድ ለፈርግ ከለሐብር ዘበናይ ቴክኖሎጂ እግል ለአምጽኦ ለጀብር ቱ። እሊ ህዬ ለመተውበት ደወርህ፡ እብ ርሐቡ ልትረኤ ለህሊ - እግል ተብዕን ሌጠ እብ በይኑ እንዴ ፈንቱክ ናይ ቀቲሉ አፍዓል ለመኔዕ፡ ውሓለት ዓፍየትለ ደወርህ ለልኦትሓይስ ክም ቱ። ሰብ ሰልጠት ሐርስ ኖርወይ ሸርሐው።

እሊ ዱለት ለህሊት ሰዮሰት ሐዳሱ፡ ዲብ ዱለት ለህሊ ዘያድ 70 ሚልዮን ደወርህ ለትሸምል ክምተ ለሐብሬ አክደት። እሊ ክም 'Ross 308' ለመሰል፡ ክም ትፋረክ እት ቀበት ምን 35 አሰክ 49 አምዕል እንዴ ዐበ ዲብ ሱግ እግል ሕራድ ለልትከሬ አሰል ደወርህ፡ ክል-ዶል እብ ለትፈናተ መሻክል ዓፍየት እት ልትጀረስ ሰበት ልትረኦዮ ቱ። ዲብ ኖርወይ ምን ተዋብ ወረሸዶቱ እግል ልትጀመሎ ቅሩር ክም ሀላቱ ለልትሐበር።

መወለብ <https://agroreview.com/en/top-news/norway-becomes-the-first-country>

በሐሰ ህዬ፡ ክልኦት ጅንሰ ድድ-ባልዒን አዳሊኩ። ክልኦቱ ምን እት አጥራፍን ለበቅል ሸሌዕ ወዐንደል ቱ ለሸቀክወ። ሕበር ብዕድ ኢወዴኮ ምስሉ። አክረቱ ለጭመመ ዲብ ግራብ እንዴ ደብኦክወ። እት ባልዒን ጀረብክወ ፍገሪት ሰኔት ረከብኩ ምኑ።

ሰአል፡ እት ሐረስቶት እንዴ ኢተአበጽሐ ለወዳኑ ዲቡ ጸገም በሐሰ ሚ መስል ዐለ?

በሊሱ እት ሐረስቶት እንዴ ኢልትባጽሐ፡ እት ሐቱ አካን ሕድድት ዲብ ቅመል-ብቅል (aphid) ጀረብክወ። ቅመል-ብቅል፡ ብቅል በሌዕ ወፋንጋስ ወዴ ዲቡ። ሰኒ ኤዘያይ ሰበት ቱ፡ እብ ሚ ክም አበድዩ ሐሰብኩ። እሊ ምህዞታትዬ ዲብ ቅመል-ብቅል ክም ጀረብክወ፡ ፍገሪት ሰኔት ህበኒ። ሐቀህ ዲብ ካውሎ ወኦራንሺ ጀረብክወ። እትሊመ አግነዐኩ እቡ። ሐቅሃመ ዲብ ከመዶር፡ ውብዕድ ክም ለይሙን ለመሰል ፍሬታት ጀረብክወ። እትሊመ ፍገሪት ሰኔት ረከብኩ ምኑ። እግል ክሉ አጅናሰ ባሌዕ ክም ቅመል-ብቅል፡ ተብዕን-ቀጠፍ ወገሚማ ጣፍ ለልኦበዴ እት እንቱ ረከብክወ። እት ሰልፋይ ብሐሰዬ ፍገሪት ሰኔት ክም ረከብኩ ምኑ። ሐቀህ ዲብ ሐረስቶት እግል አትባጽሐ ቀደርኩ።


ሰአል፡ እት ሐረስቶት እብ ከኦፎ

ካርቱን



እብ ውዛረት ሐርስ ለልዳሌ ዓመድ ቅዘእ ለበ መኑት፡ እግል ክሉ ወእት ክሉ!

ሰም አለቡ



አሰይድ ወልደአብ ወለደማርያም

ዲብ ምርት ድጋ ሐቴ መድረሱት ዐለት። ደረሰ ናይ እለ መድረሱት ሰኒ ፈዳብያም ዐለው። መደርሲኖም ለልሀዩም ቱ ሸቅል ቤት ወሸቅል ፈሰል እብ ዋጅብ ሸቅዉ ዐለው። ፋዳብያም ሰበት ዐለው መደርሲኖም ሰኒ ፈትምም ዐለው።

አምዕል ሐቴ መደርሰ መሕበራይ መሀሮ እግል ደረሳሁ፣ ፍንቱይ ሰኣል ትሰኣለዮም። ለሰኣል ህዩ ክእነ ትብል ዐለት። “ሰሜት ለአለቡ ነፈር መን ክምሰል ቱ፣ ዐባዩ እንዴ ትሰኣልኩም በሊስ ክተቦ።”

ለደረሰ በሊስ ናይለ ሰኣል እግል ልርከቦ ምርት ከእብ እንክሩ ትብገሎ። ሐቴ መጅሙዐት ምሰል ብዙሕ ገመው። “ምርት ደረሳይ ሰሜት ለአለቡ ነፈር ይህለ” ቤሎ። ምርት ብዕድ ህዩ “ጅን ንኡሽ አሰክ ሰማየት ትገብእ እግሉ ሰሜት አለቡ” በልሎ።


ሳልሳዮም እብ እንክሩ “እምበል ጅን ንኡሽ ብዕድ ሕዘው ቤሊን” ቤሎ። ለደረሰ ክእነ እንዴ ልትከሐዶ፣ ሐቴ እሴት ዐባይ እብ ጀፈርም እት ትሐልፍ ረኣው። ሸንክተ እንዴ ቀርበው፣ “ይመ፣ ሰሜት ለአለቡ ነፈር አሰኣሊን” ቤለው።

ለእሴት ልተርጀኝ ዲበ ህለው እንዴ አምሰለት እንዴ ኢትብልስ እቶም ሐልፈት። አዜመ ብዕድ እናስ ሻይብ መጽኡ። እግሉም ትሰኣለው። ለእናስ እንዴ ለሐሰብ ዐለ “ሰሜት ለአለቡ ነፈር አብሁ ኢልኦምርቱ” ቤለዮም።

እግል እለ በሊስ እለ ከትበው። ምናተ፣ ይኣግነዐው እቤ። እትለ አካነቶም እንዴ ልትጋመው አዜመ እሴት ዐባይ መጽኡቶም። “ይመ፣ ሐሰብኪ፣ ሰሜት ለአለቡ ነፈር አሰኣሊን መደርሰን ትሰኣሌን”

ቤለው። ለእሴት ለዐባይ እንዴ ትትፈክር። “እሊ ሚ ሰኣል ቱ? ሰሜት አለቡ ነፈር ይህለ። ክሉ መክሉቅ ፊሕ ለቡ ውሬሕ ለአለቡ ሰሜት ህሌት እግሉ። እበነት፣ ዕጩት፣ ሰፊረት፣ አሰክ አቅሕሞተት ለንኢሽ ሰሜት ህሌት እግሉ። እግል መደርሰኩም ሰሜት አለቡ ይህለ ቦሉ” ቴሉቶም።

ለአጀኒት እግሉ በሊስ ኢትከብተው። መደርሶም ክምሰል ኢቀሸሾም



ሼክ ኢብራሂም ሱልጣን

ሰበት ለአምሮ ሸቅሎም አተላለው። አክትብት ቀርኦው። ዐባዩ ትሰኣለው። ኢንተርኔት ፈተሸው ወጀራይድ ወመጀላት ቃልዐው። አምዕል እብ ግዲደ ሰበት ተሐለለው ምሴ ምርት ከአሰክ ቤቱ ዓረ።

ምነ ሰለስ መሳኒት ምርት ፈጅር ሓሪት እብ ጀዋብ ዲብ ጸሩ መጽኡ። ክል-ምኖም ከእብ በሊስ እግል ልምጸእ ፋህማም ዐለው። ለእበ ጀዋብ መጽኡ፣ “ንዕኖ እንዴ እለ ንቅረእ” ቤለዮም እግሉ ጀዋብ እንዴ ፈቱሕ። ህቱ ለሰኣል እንዴ ከትብዩ ዲብ አብዕቡ ናድኦ ዐለ። አብዕቡ ዲብ ምድር ብዕድ ነብር ሰበት ዐለ። እብ ነፈር ለአከዩ ዲቡ። እሊ ጀዋብ እሊ፣ ምን አብዕቡ መጽኡዩ።

ለሰለስ መሳኒት ፋርሓም ዲብ እንቶም እግሉ ጀዋብ ቀርኦው። ለጀዋብ ክእነ ትብል ዐለት።



ሼክ ዐብደልቃድር ከቢሬ

ሰሚር ወልዩ። እሊ ምድርሰኩም ለሀቢኩም ቱ ሰኣል ሰኒቱ። ሰሜት ለአለቡ አዳም ሀለ። ክሉ መክሉቅ ሰሜት ክምሰል ቡ መደርሰኩም ቃዊ ኢትን። እት ለአምር ትሰኣሌኩም። ሰሜት አለቡ ለልትብል መን ቱ ሐቆ ቤሌኩም ሰሜት ቡ ህዩ መን ቱ እግል ተኣምሮ ወጅብ። ክልነ ክሉቃም ሐቴ ይሕኑ። ለሰርነ ዲመ ትነብር ሰሜት ቦም። ሰርም ህዩ ሰሜቶም ናይ ዶሉ ተ። ሰሜት አለቡ ተእሪክ አለቡ ቱ። ሰበቡ ህዩ ተእሪክ ለሸቀ ሰሜቱ ዲመ ትነብር። ተእሪክ ለኢሸቀ ሰሜቱ ምሰል ትንፋሱ ትፈግር። ለገብኦ ነፈር ክምሰል ሞተ ለሰሜቱ ዲብ ግናዘት ትትቀየር። ሐቆ ሞተ ፍላን ኢልትብህል። ግናዘት ልትብህል። ምን አመረ አዳሙ ፈቅዱ ገብእ ብዕድ ላኪን ኢልዘኩ።

እግል ወጠኑ ወዐለም ሸቅል ሰኒ ለሸቀ ሰሜቱ ዲመ ትነብር። እግል መሰል፣ አብዕብኩም እብራሂም ሰልጣን፣ አብዕብኩም ወልደአብ ወልደማርያም፣ አብዕብኩም ሓምድ እድሪስ ዐዋቱ ወብዕዳም ለእብ ዐሰርታት ኣላፍ ልትዐለቦ እግል ኡረትርዮ ለናደለው ወለኦስተሽህደው ሰሜቶም ዛይደት ተ። እግል ዲመ ህዩ ትነብር። እግል ሸዐቡ፣ ወጠኑ ወዐለም ሴመ እንዴ ኢወዴ ለሞተ ሰሜት አለቡ። እግል ዐለም ወቀይ ሰኒ ለአውቀው አንፋር ሰሜቶም ክል-ዶል ትትፈቀድ። እግል መሰል፣ ከረ ኣርሚ ሰትሮንግ፣ ማጃላን፣ ሄለን ከለር፣ ማይክል ፈራዳይ፣ ቶማስ ኤዲሰን እግል ዐለም ብዙሕ ሸቀው። አሰክ እለ ሰሜቶም ትዘከር ህሌት። እግል መሰል፣ ኒል ኣርሚ ሰትሮንግ ወሬሕ በጽሐ። ቶማስ ኤዲሰን አምፑል (ሉቺ) መሀዘ። እሉም አንፋር እሉም ሰሜት ቦም። እግል ኣርወሐቱ እንዴ ገርድድ ለሞተ ላተ ሰሜት አለቡ። ሰበት እሊ ሰሜት አለቡ ተእሪክ ለአለቡ ቱ ቦሉ እግል መደርሰኩም።

ለደረሰ እበ አብዕቦም ለሀብዮም ቱ በሊስ እንዴ ትረይሐው አሰክ መደርሶም ጌለው። መደርሶም እብ በሊሶም እንዴ ትረይሐ ንቅጠት ዛይደት ሀብዮም። ለበሊሶም ህዩ እት ፈሰል ትቅርኦ። ከገድም ሰሜት አለቦም እግል ኢንግበእ እግል ተእሪክ ንክደም።

ሐዋናት ክመ እለ ነፍዑን ምን መደረቶመ ንትደገግ

ክልብ መልሀይ አዳም ቱ። ዲመ ምሰል አዳም ነብር። ምን አው ከደን (ሐዋን ከደን) ንዋይ ለዐቅብ። “ክልብ ለንብሐቱ ፈርህት ዲብ ኣርወሐቱ” ለትብል መሰል ህሌት። እለ መሰል ክልብ እግል አዳም እንዴ ሐሰበ ኢነቤሕ። እት ርሐ እንዴ ፈርህ ክምሰል ቱ ተኣፍህም። ክልብ ምነ ብዕድ ሐዋናት ለፈንትዩ ፍንቲት መቅደረት ናይ ስምዐት ህሌት እግሉ።



ለናይ ስምዐት መቅደረት ናይ ክልብ ምን 40 አሰክ 600 ኪሎ ሄርትዝ ገብእ። ኪሎ ሄርትዝ ክርን ለልትቀየስ እቡ ኣላት ቱ። እግል መሰል፣ ሪም እብ ምትር ወከባደት እብ ኪሎ-ግራም ልትቀየስ። ክርን ህዩ እብ ሄርትዝ ትትቀየስ።

ክልብ ናይ ጸነዮት ፍንቲት መቅደረትመ ህሌት እግሉ። አዳም እግል ልጼንዩ ለኢቀድር ሓጀት ጼኔ። ክልብ አዳም ጸነ አለበ ለልብለ ሓጀት ጼናህ እግል ልፈርግ ቀድር። ዐቅል ናይ ክልብ እግል ልድረስ ወለፍህም ቀድር። እሊቱ ብዝሓት ድወል ለቀም እግል ልፈርግ ለልዐሉሙ። ከእብሊ፣ ክልብ ዓቅባይ፣ መልሀይ አዳም ወሻጥር ቱ።

ክልብ መደረትመ ህሌት እግሉ። ከታብት ሐቆ ኢነስኦ (ፍድኢት) ልትሸርዐን አው ልትሀረሽ። ሐቆ ትዩምሮመ አዳም ነክሽ። ለሕማም ህዩ ዲብ አዳም ለዐዴ። አጊድ ሐቆ ኢትሳረ ህዩ ሐሬ ሰራይ አለቡ። ሰበት እሊ እብ ዓመት ክሉ አዳም ወእብ ፍንቲት አጀኒት ምን ክልብ እግል ሊሪም ወጅብ። ክታብት ለኢነስኦ ክልብ እግል ንቅረቡ አለብኑ። ወእብ ዓመት ኣክላብ ክልዶል እግል ነኣክትቦም ወንራዕዮም ለኣስትህል።

ሸቅልዩ አፍቀድከኒ

መደት ሐቴ ምርት እናስ ዐድ መሰኒሁ እግል ልጋኔሕ ጌሰ። ለዐድ ረዩም ምንመ ዐለ፣ እግል ልጋንሐም ሰበት ሐዘ ሐቆ ሄራር ረዩም በጽሐዮም። ዲብ ቀዕረት እንዴ በጥረ “ለለም ዐለዩኩም” ቤሎ። ክርነ እናስ ለሰምዐ ክልብ ዐንቀሩ እንዴ ኣግህጸ ትጠለቀ ዲቡ። ለዐድ ጋይሳም ሰበት ጸንሐው ለእናስ ጀር ልብል ምኑ ኢረክቤ። ለክልብ ወለ እናስ በኣሶም አተላለው።

ለእናስ እግል ክልብ እንዴ አውደቀዩ እት ሐንቲሁ ወደዩ። ሞራሁ ሰበት ወድቀት እበ ዘብጡ ኢረክቤ። ለእናስ መረ ሓርቅ ሰበት ዐለ እግሉ ክልብ ቀብ እብ ንክሸት አበለዩ። ለክልብ ሐንቲሉ እናስ እት ለሀፍት “ኣይዎ! ሸቅልዩ ርዕዕ ዐልኩ። ሰኒ አፍቀደክኒ ረቢ ልባርክክ” እንዴ ቤሊ እግል እናስ ሐነጅር ወደዩ ልትብህል።

ምህም ዕሎታት ዲብ ታሪክ ኤረትርዮ

- 1979 ወሬሕ ዲሰምበር ሐቆ እንሰሓብ ሰትራቲጂ ሰልፋይ ህጃም ምዳድ ጀብህት ሸዕቦየት ተሕሪር ኤረትርዮ እትለ ዲብ ጀብህት ነቅፈ እሙዱድ ለዐለ ዴሽ ኢትዮጵያ።
- 1980 እት ወሬሕ ጃንዋሪ ህጃም ምዳድ እብ ጀብህት ሸዕቦየት ታሕሪር ኤረትርዮ እትለ ዲብ ጀብህት ቅብለት ምፍጋር ጸሓይ ሳሕል እሙዱድ ለዐለ ዴሽ ኢትዮጵያ።
- 1980 ምን ኣፕሪል - ማዮ ጀብህት ተሕሪር ኤረትርዮ ምሰል እትሓድ ሶሻየት እብ ምስጢር ለገብእ ህድግ ሰላም አትጋየሱት።
- 1980 ዮም 07 ጁላይ ጀብህት ተሕሪር ኤረትርዮ እግሉ ዲብ ጀብህት ቅብለት ምውዳቅ ጸሓይ ሳሕል ለዐለየ ውሕዳት ሰሐብተን።

ርክን ሽዕር

አዲጋይ ዐለ እነ ሰሜቱ ቀደር ግዋሬነ ረምቀው እግል ሰፈር ዐፍሽ ጸዕነው ኣክል ገደር ሸንርብ ጸንሐተነ ዲበ እገር ዓጻቱ ፈንደቀው ገብኣት ገሀር

ይበ ሐሰብኪ ኢተሀቡ አድግነ ንትጸዐን ዲቡ ምዕጥን ለአበጽሐነ ኖሰነ እንጽዕኑ ለቀሊል ሐርብነ ሕነ ነሐዶስ እግሉ ክመ ህቱ እግልነ



4^ይ ክፋል

መንበ ትግረይት



ኬትባይ ቅሰት መንበ ትግረይት
ኢብራሂም ሓጅ

ክምሰለ እት ለዐል ለእቤሉ፡ ምስል መርሐም ሙስ ብዙሕመ ምን ኢጉብእ፡ ዶልዶል ንትዋጀህ ዐልኩ። እግሉ ሰኒ ለለአምሮ ወለአምሮም መልህያምዬ ዶል ንትሳደፍ፡ ዲብ መጃል ድግምመ እምሕቡር ባኩ ኣነ። ምን ሰሜቹ ወኪን እንዴ ሐልፈ እግል ልፍቀደኒ እዝኩሩ ዶልን እንዲኢኮን ክምሰል ወፈቅዳኒ ሸክ ወኢወዳኩ።

በዲር ሙስ እግል እርኤ ለዐለ እግልዬ ዐሸም፡ ሙስ እግል እምሰል እወድዮ ለዐልኮ መትመሴሳል ወሙስ እንዴ ይእርእዩ ወዩአምሩ ሀይቡቱ ለዐልኮ ትምሰል ወእብ ዐቢሁ ዲብ ሙስ ለዐለ እግልዬ ሻም ክሉ ናይ ንእሽ እንዴ ገብአ ዝክርያቱ ሐድገ። ዮም ላኪን ሙስ ምን ኩሉ ገቢል ትግራ ወለዐል ኣነ ክምሰል የኣዘይድ ዲቡ ትዩቀንኩ። ክርን ሙስ ዲብ ሰሜዕ ለዐበ ንኡሽ ወእት ሐንቱ ደፍኣት ክርን ገቢል ትግረይት ለደወ

ትበህለ ሰበት ትፈረህ፡ ውዛረት ዓፍየት ኣሰክ ኣኪደት ናይለ ሕማም ለአምሮ ምን እንክር ሳሕል ኣሰክ ከረን ለለኣቱ አግቡይ ሐረከት ማንዐት ምኑ ዐለት። ምን ሀበሮ ኣሰክ ከረንመ ለከዋ ሰበት ትመነዐ፡ ምስል ሽፋግዬ ለሰፈር ተዐርገለ ዲብዬ። እለ አምዕል እለ ምን ሰፈር ወዐልኩ። “ፈጅር እብ ሸቅል ሕኩመት ለትገይስ መኪነት ተህሌ ትጉብእ ምስል ጃዝፍ” ዲብ ልብሉኒ ሽፋግዬ አምራም ለዐለው መልህያምዬ። እትላነ ዲብ እንዳግም ዎሮ ነፈር መጽኢኩ። “የሀው ከፎ አጽበሐኩም” ቤሉን እንዴ ልትገሴ። መርሐበ እንዴ ይእንብሉ “ሙስ መንደር ትወፈ ቤለው ሰምዐኩም ማመ” ቤሉኩ። አላ..... ጀነት ወረሕመት ለሀቡ” ቤለው፡ ለክልኣት ምስልዬ ግሉያም ለዐለው ጸራቹ። ኣነ ላኪን ትም ትከፊት እቹ። አውሳፋቱ ዲብ ደሚርዬ ወሐንገልዬ ዐንኩለለ። በሀሉ፡ ወቀዮ፡ ስነት በዲሩ ወኣዚሁ ክሉ ክመ እብ ሰወር ሐልፋ ለዐልኮ ትርኤኒ። ቀደም 25 ሰነት ዲብ መውገፍ ከረን እግል አወል መረቹ እብ ርእየቱ ለትፋጀእኮ እት ሻብ ዐለት ለብሰቱ ብዋረቱ፡ ኣሰክ ለሸንጠቱ፡ ክለ ለኣለቱ ዕፌኒ ልብለኩ። ነፈር ጀዲድ ምን ቢኣት ብዕደት መስል እቹ ዐለ። ክሉ አትዋየንኩወ። “አላ..... የርሐመ” እቤ ወምን ምግሳዩ ዲብለ ጀማዐቹ ገጽ ኢበለስኩ።

ዐሪታይ ወደዋይሑ ክሉመ አግዋር

ዐለ። ዝያደት ክሉ ህዬ መንበ ትግረይት ለክሉ ወውላድ ቆምየት ትግራ ለልትሃገወ።

ፈጅራት ሐረከት መኪደን እጅዝት ምንመ ደዐለት፡ ምስለ እብ ሸቅል ሕኩመት ከረን በይእ ለዐለት መኪነት እንዴ ትሰረቅኮ ዲብ ከረን ትመዬኩ። አምዕል ኣራት ላዝም ባጽዕ እግል ዒር ሰበት ዐለ እግልዬ፡ እሰቡሕ ምስለ አተቡሰለ አወል እግል ኢጊስ ኣሰክ መውገፍ አግወሐኩ። አወለ ሪገት ከፊኩ። ቀደሚዬ ዎሮ ነፈር ሌጠ ዐለ።

እብለ ሰፈርያቹ እብ እሰትሸሃድ ሙስ መህለቲት ናይ ርሰዴ ዋዲ ይዐልኩ። ሰደፍ ላኪን ኣነነት ለአተቡሰነ ዐለት እት ነፍሰ ኣነን ለእት ሰነት 2000 እግል ሙስ መንደር እብ ገጽ ለርኤኩዎ ወትሳለምክዉ ዲብ ዐለት። ዝክርያቹ 25 ሰነት ገጽ ሐር አቅበለ። ምንሙስ ከያል ሙስ አማን ለርኤኮ እት አምዕል ፈቀደት። መጦርዬ ዲብ እንቱ እብ ቀፍለት እብ ክልኤ ዕንቹ ፍዝ ዲብ እብሉ፡ ቁጫበት ለመለህዬ ቆጨቤኒት ወመትሐናጣዬ እግል ሰላሙ ክሉ ዲብ ሐቱ ሳንዩት ትካየለ እዩ።

ዮም ላኪን ሙስ ትሳርሐ ምን ለእድንዩ። ሙስ ኣሰክ ቤት አማኑ ሳፈረ። አይወ ሰርሐ መራር። “ዓደት ቀብሩመ ምን ፈጅር አው ሐቆ ፈጅር ኢተሐልፍ፡ ኣነ ላኪን እብ አየ እግል ሕደረ? ያፊት” ዲብ እብል እብ ልብዬ አርቃም ሪገት ወዘዐው ዲብን ወዲብ አውቶቡሰነ ትጽዐን። ነፍሱ ለክርሰ ለቀደም ርቦዕ ዘበን ሙስ ግሉይ እቱ ለዐለ መጦርለ ሰዋግ




መርሐም ሰነት 2020 ዲብ ባክት በዓት ቢጫይ (ዘር)

ዐቢ፡ ሙስ እት ልብል ክሉ ፈታይ ትግረይት ወገቢል ትግረይት ውቁር ክምሰልቱ ክም ዐቤኮ በርህ እግልዬ። ዲብ ሸህር ዐሰር ናይ ሰነት 2025 እብ እጃዘት ዲብ ዐድ ዐልኩ። እጃዘቹ ታመት ምንመ ዐለት፡ “ድሩሪ ሸቅል ሰበት ሀለ” ኣጊድ እት ኣነን ሸቅልዬ እግል እምጸእ እብ ተለፎን ልክዩ መጽአተኒ። ለወቅት ለህይ ላኪን ዲብ ቅላመት ዛህረት ሕማም ሰበት ትረኤት፡ ወለ ሕማም ለለዐዴ ሕማም ሸርክ እግል ኢልግበእ እንዴ

ወአርሓም ናይ ሙስ ምንማቱ፡ ምን ዝያድ ዲብ ኣርወሐቱ እንዴ አቅረበ በኩ፡ ደንገጸ ወሐዝክ ኢልደሌ እኩ። ነኣይሸ ወዐባዩ፡ ተብዐት ልግበእ ወኣንስ እግል ሙስ እብ ገጽ ለለአሙሩ ልግብእ ወእብ ራድዮ ለሰምዕዉ፡ ክሉ አዳም ሀምገም ቤለ። ክሉም መተንሰየት ወፈተች ትግረይት ወእብ ዐቢሁ ክሉ ገቢል ትግረይት ዲብ ዐድ ለህሌ ወእት ካርጅ ሙስ ሐቱ በጽሑም። ኣብ ክሉ፡ ሑ ክሉ ወፈታይ ክሉ ሰበት

ዲቡ ትገሴኩ። አተቡሰነ ምድር ሰኒ በር እንዴ ኢልብል ትበገስት እብኩ። ለበዝሐው መሳፍሪን ዲብ ከራሲሆም እንዴ ትጸገወው ሰኩብ ላለሆም እግል ለአተላሉ አንበተው።

ኣነ ዲብ ሰፈር ኣጊድ እሰክብ። እለ አምዕል እለ ከንዶእ ለእባቱ ሰኩብ ወቀሱነት ኢመጸኤኒ። ላመ ሰዋግ ውልዑ እግልን ለዐለ ሕላይ ልብ ካሪ እግሉ ይዐልኩ። ዲብ ሞባይልዬ ተመህ እግል ኢበል አምበትኩ። ምን እብ ክርን ገቢል ሙስ መንደር



ሸሂድ ሙስ መሓመድ አድም
(ወድ መንደር)

ለትሰጀለ አሸዓር እንዴ እፈትሽ “አፍ ተጋግ” ለትብል መስሎሊቡ ረከብኩ። “አፍ ተጋግ መፈተይ” እንዴ ትቤ

ተኣሰብዴ። እበ መፈተይ ክርን ሙስ መንደር ህዬ ምን ሐዲስ ስምዐኩወ። “እክራኑ፡ ሰውሩ ወኣሱሩ ሐድግ እግልን ህምብራራብ” ሸክ ብዬ እንዴ ወቀልኮ እቤለ። ሰበቡ ህዬ ለሰዋግ ለተሃንክዉ መስለዩ መስለኒ ሻፍግ እት እንቱ ወለብ እንዴ ቤለኒ ገጽ በልሰ ምንዩ።

ሐቆ ገሌታይ ገሌ ሸዑር በይኤኒ። ዲብ ሞባይልዬ እበ ሐረከትለ አተቡሰ ዲብ እተዐናቀፍ እግል እክተብ ኣንበትኩ። በዲርዬመ ቀሳይ ዶል እወዴ ለአተቅሴተኒ ሓጀት አው ለትሻቅሰኒ ወለደምሰኒ ራሐት ደሚር ከለኣኒ። እብ ሰበተ ገሌ ክቱብ ከተብኩ ምንገብእ ላኪን፡ መርህዮ ክልቅ እቹ። ዓዲ ክቱብ ልግበእ አውመ ሸዕር፡ ላኪን ደሚርዬ እግል ለአግኔዕ ብእቱ። ወለብዕድመ ኢልሰምዑ እግልዬ፡ ኖሼ ላኪን ረይሐኒ። እለ ዲብ እብል ላኪን ከት እንዴ ቤለ ለለኣቤ እግልዬ ወራሐት ለከለኣኒመ ህለ።

መንበ ትግረይት

ምን ህለ ዮመቱ፡ ለክም ኖሱ ገብእ ወድ በዐል እግል እለ ትግረይት፡ ለልርዕዩ ዲብ መዓል ኩብደ ለለኣረዌ ወለኣጸግበ ምን ከኣር ክታረ ለጸብዋ፡ ዲብ ዋልዩ እብ ሕሳል ፋገዖት ወለውቀቱ፡ ሙነት ዐለ ክም ክሳር አድጋም ወአጠዐሚቶ፡ ህርጀጅ ወመትደኣል ዝሕረት ፈን ወዓዳት፡ ወደራገት ንሳል ዐገል ወልባቡ፡ ሕክመ ህግዩ እብ አምሳል ቅሰስ ወተማሲል፡ አምር-ክቱብ ወአሸዓር ዓማት መዕሉማት ዓም፡ በለስ ብእቱ ወሰኣል አውለት ወቀላቅሉ፡ አምረት ክሉ ለአምዳር ታእሪክ ሐጠር ወሰባት፡ ምን ዘበን ናይ ንዓል ዮም ምንቱ ወኪሉ፡ ለክም ሙስ አው ተምሳል።


ህቱዲ ፋሉ ግሩም ሐድገ፡ ወስምዐቱ ቅዲት አትሳነዩ ትግረይት፡ መጦር ክለን ሀገጊት የዐርቀት ወኢተንት፡ ወምን በትራይ ሰርጊት እት ምጽሃዩ አጽሄት፡ ወእት መዐደዩ ዕዲት ሕደጋት ኢጉብኣት፡ አድሕድ ጸብጠ ወቱለት ምን ሕበርበር ሚመዩ፡ ሰኒ ንጊት ወዑሪት ኢነስኣዩ ሕባራት፡ ምስለ ደነት ወእቅሉለት ትትዐሸሙ መባልሱ፡ ዘዐቱ ሳፍየት ወጽሪት ልትጋረፈ ስምዐተ፡ ዋራይት ላተ ወንብሪት

ልትፈሌ! ነወሀ ምን ነአምር፡ ለሞት እንዴ ትመጽኣነ ሕጌሁ ወገብኣኩ ደምባይ በዐለ ገተነ ኣሱር ሐድግ ወስወር፡ ወትግረይት ለምሉእ ድዋነ ኤማን ለሀምዓ ዓይለቱ፡ ወጀነት ትጽንሑ ኣብ አምነ ታርፊሁ ዳምነት ተ፡ ለገለድ በዐለ አማነ ግረ ታርሀት ኣለቡ፡ ዮምተ አምዕል ጸገምነ ተብዐትነ ወአንሰኩ ሐቱ እንዴ ገብኣነ እግል ዐቦት ትግረይት፡ ሕበር ኒበል ከፍኣነ።

እለ ሞት ዋለመት፡ ረሕመት ኢኮን ከትዘልም ለእቡ ትብድር ኣዚመ፡ እምበል ረቢ ምን ለዐልም እት ህሌነ ንጸገም’ ዎሮ እግል ርሑ ሚዘልም ላመ ትገበኣ ወመጽ፡ ዲመ ኢነብር እት ሕልም ጋኑ ልስኩብ ወድ መንደር፡ ወሕነ እግሉ ይእንጠልም በርክት ትሕደረኩ፡ ሳብ ዐቦትነ ንተልም ክምለ ሰሙዱ ንስመድ፡ ከኣሰሩ ነኣገርም።

ዮም ለሕፍረቱ፡ ትብረድ እግሉ እብ ራሳብ ወፈጅር እት ኣልኣክረ፡ ጀነት እምበል ሕሳብ።

ኢብራሂም ሓጅ (ቅዋት በሐር ገደም)



ፈሪቅ ኮቦሪት እግር ኤረትርዮ መተልህየቱ ለሐጎሬ

ፈሪቅ ኮቦሪት እግር ኤረትርዮ ውላድ ዐባዩ፣ እት ጅግረ ተሰፍያት ድወል አፍሪቀ 2027 ለወክሉ መተልህየት ሐረ።



እት ሰልፋይ ተሰፍያት ክልኤ ዶል እግል ፈሪቅ ኤሰዋቲኒ 4-1 ለቀልበ ፈሪቅ ኤረትርዮ፣ እትሊ ናይ መጃሚዕ ተሰፍያቲ፣ እት መጅሙዐት-4 ምስል ኬንዩ፣ ግብለት አፍሪቀ ወጊኒ ባጽሑ ሀሉ። እግል እለ አግደ መርሐለት ህዩ፣ ሰለስ እት ቀበት-ዐድ ለልተልህው ለብኡቶም 30 መተልህየይ ሓሪ ክም ሀሉ። ርኢስ ወጠንያይ ፈደሬሽን ኮቦሪት እግር አሰይድ ጳውሎስ ወልደሀይማኖት፣ ማሌ እተ ሀበዩ ሸፊሕ ሰሕፊ አስደ።

ወድ መስር መደርብ ሁሻም ዩኪን ለደርቡ ፈሪቅ ኮረት እግር ኤረትርዮ፣ ሰለስ ሓርሴ ሴዕ መዳፍዐት፣ ሰቦ መካፍለት ወ11 መሃጅመት እሎም ሓሪ ሀሉ።

ምን ሐልፈ ትልህያታቱ 13 መተልህየት ውሱክ ለሀለ ፈሪቅን፣ ሰንበት ገኢሽ 26 ሰብተምበር እት ናይደቢ ምስል ወጠንያይ ፈሪቅ

ኬንዩ አወላይት ትልህያሁ እግል ሊዴ ቱ። እት ዮም 30 ሰብተምበር ህዩ፣ ክም ሚዳን ለልትሐሰብ እሉ እት ዓሲመት መስር ካይሮ፣ ፈሪቅ ግብለት አፍሪቀ እግል ልዕደም

ኤረትርዮ፣ ኮንፈደሬሽን ኮቦሪት እግር አፍሪቀ (ካፍ) ለጠልቡ መቃዩስ ለአታመመ ስታድዩም ሰበት አለቤ ቅብላት ኢስዋቲኒ ለወዳተ አወላይት ደርበት ትልህያሁ፣ እት ሞሮኮ (ክም ናይ ስታድዩም እንዴ ተሐሰበ እለ) መተልህየ ለልትዘከር ቱ። አዜ ላኪን እት መስር እግል ትተልሄ ሓርየት ህሌት። “እስልፍ ብዘሐ ኤረትርዮን ስካን መስር ለልህይበፍቱ ተሰጃዕ፣ እበ ካልእ እንክርመ፣ መደርብ ፈሪቅን ወድ መስር ሰበት ቱ፣ ወሳልሳይ ህዩ፣ እግል መትጃግረትን ለኢልትወጤ አጅወእ እግል ልግበእ ቀድር እንዴ እንቤ ሰበት ሐሰብፍ ቱ” እት ልብል፣ መስር ለሐረው እቡ አሰባብ ሸፊሕ አሰይድ ጳውሎስ።

ክልተሌቱ።

ወጠንያይ ፈሪቅ ኮቦሪት እግር ኤረትርዮ ምን 21 አሰክ 25 ሰብተምበር እት ዓሲመት ኬንዩ ናይደቢ ወቅት መትላማድ እግል ለሀሌ እሉ ክምስል ቱ ለሐበረ አሰይድ ጳውሎስ፣ ሐቆለ ናይ 26 ሰብተምበር ትልህያሁ፣ እተ ላሊሁ አሰክ ምስር እንዴ አተጅሁ፣ እቱ አሰክ ዮም 29 ሰብተምበር ተማሪት እግል ሊዴ ክምቱ እሙር ሀሉ።

እሊ ህዩ፣ “መተልህየት ናይ እሊ ፈሪቅ እምበለ እት ናይ ኢስዋቲኒ ትልህየ፣ ብዕድ ጅግራታት ልግበእ ወተድራብ ምስል ዋድያም ሰበት ኢተን፣ እብ ናንቲይ እትለ መደት ጎነ ብዝሓም ሐዳይስ መተልህየት ሰበት ብኡቶም፣ እትለ መርሐለት ምህመት፣ እት ምቅርሔ እግል ኢልትወርጦ” ለልብል አሰፍ፣ ሸባህ እግል ልርሄ ሰኢየት ህሌት። እት

ሚርሐት ናይ እሊ ፈሪቅ ዶር ውቁል ለቡ መደርብመ፣ ቱለል ልያቀት ናይ እሎም ሐዳይስ መተልህየት ምን ቅሩብ እንዴ ረኣ እግል ለኣሌሌ እግል ልሰደዩ ቱ።

ኤረትርዮ፣ ኮንፈደሬሽን ኮቦሪት እግር አፍሪቀ (ካፍ) ለጠልቡ መቃዩስ ለአታመመ ስታድዩም ሰበት አለቤ ቅብላት ኢስዋቲኒ ለወዳተ አወላይት ደርበት ትልህያሁ፣ እት ሞሮኮ (ክም ናይ ስታድዩም እንዴ ተሐሰበ እለ) መተልህየ ለልትዘከር ቱ። አዜ ላኪን እት መስር እግል ትተልሄ ሓርየት ህሌት። “እስልፍ ብዘሐ ኤረትርዮን ስካን መስር ለልህይበፍቱ ተሰጃዕ፣ እበ ካልእ እንክርመ፣ መደርብ ፈሪቅን ወድ መስር ሰበት ቱ፣ ወሳልሳይ ህዩ፣ እግል መትጃግረትን ለኢልትወጤ አጅወእ እግል ልግበእ ቀድር እንዴ እንቤ ሰበት ሐሰብፍ ቱ” እት ልብል፣ መስር ለሐረው እቡ አሰባብ ሸፊሕ አሰይድ ጳውሎስ።

እትለ መጅሙዐት ለህሌት ኬንዩ፣ ምስል ኡጋንደ ወታዝዝዩ እንዴ ትሳዴት፣ ካስ ድወል አፍሪቀ ሰነት 2027 ሰበት ትትሐደር፣ እት ተሰፍያት ለትአመጽኦ ነቲጀት እበ ኢክሰሴ ዱቅሪ እግል ትሕለፍ ቱ።

እሊ በሀለት፣ ምን ሰለስ -ኤረትርዮ፣ ግብለት አፍሪቀ ወጊኒ፣ ለትወቀለ ንቀዋ ለኣክእለለ ዎሮ ፈሪቅ ሌጤ፣ አሰክ ካስ አፍሪቀ ሰነት 2027 እግል ልሕለፍ ቱ። እሊ ህዩ፣ ለናይ ሐሊፍ መጃገረት ናይ እለ መጅሙዐት ዝያደት ድቁብ ወድዩ፣ በክት ሰኒ እግል ወጠንያይ ፈሪቅ ኤረትርዮ!

ምግብ፣ ጅግራታት ርያደት ዝክረት እንቡተት መድረሰት ሰውረት ልተላሌ



እግል ዝክረት 50 ሰነት መትአሳስ መድረሰት ሰውረት ገብእ ለሀለ ለትፈናተ ጅግራታት ርያደት አቅሊም ምግብ ልተላሌ ሀሉ።

ሰንበት-ዐባይ 13 ሰብተምበር ምን ገጽ አሰቦሕ፣ እት ሚዳን ሄለል ሰብተምበር ለአንበተ ወዲቡ ለተመ ናይ ለትፈናተ መሳፋት ጅግራታት እት ሰቦይ ገብኡ።

እት ሰማን ኪሎምትር ምን ለትባደረዩ አዋልድ፣ ፋጥማ አሕመድ ምን ሳትረብ (ፍሬ-ጳዕሪ)፣ እብ 31 ደቂቀት ወ27 ካልኢት ዕውትት ናይ እለ ጅግረ ፊቃዩ ገብኡት። አርያም ሐድሽ ምን ፈሪቅ ዜሮ (ሰገን)፣ ፍርቱና ማእከሌ ምን ፈሪቅ ሐወሌዕ (ጎዳይፍ)፣ ሱዛና ገብረዮውሃንስ ወአሰቲር ድባቤ ምን ፈሪቅ ቀብርወኣት (ተእሚናት) ወፍዮሪ ገብራሂወት ምን ፈሪቅ ዜሮ (ሰገን)፣ አሰክ ሳድስ ተርቲብ ለዴረያ ተን።

ውላድ ህዩ 12 ኪሎምትር መሳፋት ዲበ ትባደረው። ዩስፍ አድም ምን ፈሪቅ ዜሮ (ሰገን)፣ እብ 37 ደቂቀት ወ17 ካልኢት እግል ወድ ፈሪቁ ዳብራ ናስር ወናሆም ተሰፋይ ምን ሳትረብ (ፍሬ-ጳዕሪ) እንዴ በድረ ተዐወተ።

ኮከብ ገብሩ ምን ፈሪቅ ዜሮ (ሰገን)፣ ዮናታን ክፍሌ ምን ፈሪቅ ዊና፣ ወበንሁር ዮሴፍ ምን ፈሪቅ ሳትረብ (ፍሬ-ጳዕሪ) አሰክ ሳድስ ተርቲብ ለጸብጠው ቶም።

እሊ ክእነ ዲብ እንቲ፣ እት ስታድዩም አስመረ ትልህያታት ሰር ነሃየት ኮቦሪት እግር ገብኡ። እብ አሳስ እሊ፣ እት ናይ አዋልድ ጅግረ፣ ፈሪቅ ሐወሌዕ (ደንደን) እግል ግህተብ (እዳረት ገጅረት) 3-0 ዲብ ቀልባሆን፣ ነፈረን ዮርዳኖስ ካሕሳይ ለሐሰት መተልህያይት ገኡት።

ፈሪቅ ግሌዕ (ሰገን)፣ እግል ገዳይም (ተእሚናት) እብ ሪጎሌ 5 እብ 3 ቀልባሆን። ዮርዳኖስ ፍሰሃ ምን ፈሪቅ ግሌዕ ህዩ ለሐሰት መተልህያይት ትሰሚት።

ምን ውላድ፣ ፈሪቅ ቀብርወኣት (አዱሊስ) እግል ሳትረብ (ሸርክት ሰንበል) 2-0 ቀልባሆን። ነፈሩ ናታን ዳንኤል ህዩ ለሐሰ መተልህያይ ትሰመ።

ፈሪቅ አራግ (በሐር ቀየሕ) እግል ጆልሃንቲ (አስመረብራ) 2-1 እት ቀልባሆን ዲብ ትልህየ፣ ነፈሮም ናታን ብርሃኔ ለሐሰ መተልህያይ ገኡ።

እብ ክልኢቶም አዋልድ ወውላድ ለትቀለበ ፍረቅ ማሌ አተሉት እግል ደረጃት ዲብ ልተልሄ፣ እት ካቲመ ለትዐደ ፍረቅመ ፈጅር ከሚስ እግል ልተልሄ ቱ።

እምበ እሊመ፣ ማሌ ናይ ካቲመ ትልህየ ኮረት ሰለት እት ሚዳን ቦጃፊላ ገብኡት። ምን አዋልድ፣ ፈሪቅ ግሌዕ እግል ጸብረ 43 እብ 37 እት ቀልባሆን፣ ምን ውላድ ህዩ፣ ሐወሌዕ እግል ቀብርወኣት 78 እብ 46 ቀልባሆን።

ገለብ፣ ሻምፕዮን ኮረት እግር አቅሊም ዐንሰበ እብ ምንተሐት 17 ሰነት ገብኡት



እት ከረን ገብእ ለአሰመነ ጅግራታት ሻምፕዮን ኮቦሪት እግር አቅሊም ዐንሰበ ውላድ ዕምር ምንተሐት 17 ሰነት፣ ለሐልፈት ሰንበት ዐባይ ተመ። እስልፍ እግል ደረጃት፣ ምዴርያት ከረን ወዴለ-በርዕድ ተልሀው። ከረን እት አወላይ


ሾት እብ እዴ ለዓሊት 2-0 እንዴ ቀልባህ ሕሳል ዋለ ጸብጠው። እት ካልኣይ ሾትመ ክልኡት ጎል ለወሰከ ፈሪቅ ከረን፣ እግል ዴለበርዕድ 4-1 ቀልባሆን። ፈሪቅ ከረን ሳልሳይ ሰበት አክለሰ፣ 10 አልፍ ነቅፈ ነስኡ። ነፈሩ መስጠፊ መሐመድኑር ህዩ

ለሐሰ መተልህያይ ተህየበ። ናይ ካስ ትልህየ ሀረሚት ህዩ ፍንጌ ፍረቅ ምዴርያት ገለብ ወሐልሐል ገብኡት። ገለብ ትልህየ እት ከፎም እንዴ መልከው እበ አርአው ትልህየ ህጃማት ውጅህት ህዩ፣ ቀደም ዕርፍ ክልኡት ወሐቆ ዕርፍመ ዎሮ ጎል እንዴ አተው።

እብ ርሐብ 3-0 ቀልባህ። መሐመድኑር ናይ ፈሪቅ ከረን መተልህያይ ፈሪቅ ገለብ ራሚ ለሐሰ መተልህያይ ነስኡ። ሻምፕዮን ለገብኡ ፈሪቅ አሸባል ገለብ 20 አልፍ ነቅፈ እት ነስኡ። 2ይ ለፈግረ ፈሪቅ ሐልሐል 15 አልፍ ነቅፈ ነስኡ። ዐተከሌዛን ህዩ ናይ አደብ ካስ ዐበ ተህየበው። እምበል እሊመ፣ መስጠፋ

መሐመድኑር ናይ ፈሪቅ ከረን እብ ሴዕ ጎል ለትወቀለ መሰጅላይ አግዋል፣ መደርብ ፈሪቅ ገለብ መምህር ዳምር ዮውሀንስ ለሐሰ መደርብ፣ ኢሲዮስ በረከት ምን ፈሪቅ ዴለበርዕድ ለሐሰ ሓርሴ፣ ወመባረክ አማን ምን ፈሪቅ ገለብ ህዩ ለሐሰ መተልህያይ ነስኡ።

ዝክር ኢዮቤል ደህባይት መድረሰት ሰውረት



ምህሮዊ ወልደአብ ወልደማርያም ምስል ደረሰ መድረሰት ሰውረት 1987 ዓ.ም. ሳልሕ

ቀደም 50 ሐል አክል-ሕድ ክም እሊ ሐ.ን ኣዚ መድረሰት ሰውረት ለትሰሜት መድረሰት እት ሚዳን ግድለ ሰለሕ ኤርትራዊ ትወለደት። ጀብህት ሽዕብየት እት ሰነት 1975 ንዝም-ምህሮ ኤርትራዊ እግል ልትኣንበት ምን ሐዲስ ቀራር ክምስል ሓለፈት። ምን ጃምዐት ክምስል ኣትመመው ለናደለው ወደረሰ ጃምዐት ዲብ እንቶም ለናደለው ዎሮ ሐሽም ዳርሳም ከወነት። እሊ ሐሽም እሊ መስኡልየት ኣትዳለየት መንህጅ (ካሪክላም) ንዝም-ምህሮ ኤርትራዊ ትክሬት እቲ። ኣንፋርላ ሐሽም ቀደም ለህ ተጅሪበት ኣትዳለየት መንህጅ ደዐለት እግሎም። እት ረኣሱመ መወለብ (መርጀዕ) ለገብእ ኣክትብት ደዐለ እግሎም። ምን እሊ ለትደቀበት ሰበር ላት ለልትዳሌ ኣክትብት እብ ህግደ እም በህለት እብ ህግደ ትግሬ ወህግደ ትግርኛ እግል ልትዳሌ ዐለት እግሎ። እሎም ለመንህጅ እግል ለኣትዳሌ ሕሩድም ለዐለው ምሕርቦት ዳርሳም መብዝሐም እብ ህግደ እም ሰበት ኢደርሰው ኣክትብት እግል ለኣትዳሌ እበ ሰኒ ሰዱድ ቴላል ገብእ እቶም። ምናተ መምሬሕ ተንዚም ሐሽምት ወእብ ክለ ሓለትክ እት ፍዕል ኣውዐሎቱ ዎሮ ለኢካልፋ ዓዳት ምሕርቦት ጀብህት ሽዕብየት ሰበት ዐሎ። ክም ኩሉ እስትሸሃድ ደፍዕ ለዐለ ምሕርባይ ኩሉ ለጠልቡ ምናም መታክል እንዴ ተዐደው እት ፍዕል እግል ለኣውዐሉ ትበገሰው። እት መደት ሐሚር ኣክትብት እብ ትግራይት ወትግርኛ እንዴ ትዳለ እት ወርሕ ሰብተምበር 1976 እት እዴ ደረሰ በጽሐ።

እለ ትጅሪበት እለ እግል ትግራይት ናይ ሰልፍ ተጅሪበት ዐለት። ህግደ ትግርኛ እት መደት እስትዕማር እንግሊዝ ወእት መደት ፌዴሬሽን ክም ህግደ ኣድረሶት ሰበት ትሸቀ እቡ ምን ትግራይት ለትሐይስ ተጅሪበት ዐለት እግሎ። ትግራይት ላተ ቀደም እት ክም ባት ገለብ ለመስል ኣራዲ እግል ምህሮ ክታብ ቅዱስ ለክድመ መዳርሰ ምንመ ዐለየ እግሎ። እት ምህሮ ዘበናይ ላተ ክም ህግደ ኣድረሶት ሸቂይ እበ ደዐለ። ከእብሊ ለዲብ ሰነት 1976 ኣክትብት ትግራይት ለኣትዳለው መደርሰን እት ተእሪክ ለልትዘክር ናይ ሰልፍ

ተእሪክ ሸቀው። እሊ ለእብ ሸፋግ እት ሰነት 1976 ትዳለ ኣክትብት እት ሰነት ድራሰት 1976/77 እት መድረሰት ሰውረት ትጀሪበ ወእግል ልሰኔ ለተኣቀድሩ ተጅሪበት ትረከበት። ወእብሊ ለለኣትሐዚ ኣትሳናይ እግል ልግበእ እቲ እት ወሬሕ ሰቦ ናይ ሰነት 1977 ልጅነት ኣትዳለየት መንህጅ ሐዳስ እንዴ ትከወነት ናይ ሰልፋይት መርሐለት ተዐሊም (ምን 1ይ-5ይ ፊሰል) መንህጅ እብ ትግራይት ወትግርኛ ትዳሎ። መደት ሐቲ ሰነት ክምስል ትጀሪበ ህዬ ናይ ደንገበ ሸክሉ ጽብጠ። እት ደንገብ ሰነት 1978 ፈሬዕ ምህሮ ጀብህት ሽዕብየት እግል እት ሸቅል ለዐለ መንህጅ ሰልፋይት መርሐለት ምህሮ ሰኒ ሐቀለ ጌመመ። ናይ ምግባይት መርሐለት (ምን 6ይ-7ይ ፊሰል) ኣትዳለ ወእት ኩሉ ሕሩር ኣራዲ ኤርትራዊ ክም ልትሸቂ እቡ ወደ።

ቤት ምህሮ ሰውረት ዲብ ኣካዳምያይ ኣድረሶት ሌጠ ለትብገለት መድረሰት ደዐለት። ደረሰ ኩሎም ንዮቶም ወመውህቦቶም እንዴ ተሐፊዘት ዲብ ለትፈናተ ኣጅናስነዎዲ (ክለባት) እንዴ ትክምከመው ናይ ምህነት ቅድራቶም ክም ወቅሎ ትወዴ ዐለት። ገሌ ምን ዐለ ክለባት ምን እንገሌሕ። ክለብ ኣምር-ክቲብ። ክለብ ፈን ወመሲቀት። ክለብ ዕሉም። ክለብ ሸቅል-እዴ። ክለብ ረሰም። ክለብ ርያደት ወእሉ መስል ቲ። እሎም ለእትሊ ክለባት እሊ ቅድረት ለኣትጠወረው ደረሰ መድረሰት ሰውረት ሐቀ ሕርየት ኤርትራዊ ወኣስክ ዮም ክል-ምናም ከበዐል ውቅል ቅድረት እተ መጃሉ እንዴ ገብእ ኤርትራዊ ዐዱ ከድም ሀለ።

ቤት ምህሮ ሰውረት እግል እብ ዶል-ዶሉ ዲበ እንዴ ኣተው ደርሶ ለዐለው ደረሰ ሌጠ ኢትን ትከድም ለዐለት። ለዲበ ልትዳሌ ወልትጀሪብ መንህጅ እግል ኩሉ ወድ-ኤርትራዊ ከድም። ዲብ ኩሉ ሕሩር ኣራዲ ኤርትራዊ ወዲብ መዐሳክር ላጅኢን ወዴሽ ለለኣደርሶ መደርሰን። ማርሐት መዳርሰ ውበዕዳም ሰብ ምህነት ምህሮ እት መድረሰት ሰውረት ደርሶ ወምን ልትበገሶ።

እተ ሕሩር ኣራዲ ኤርትራዊ ለዐለየ መዳርሰ ለለኣደርሰ እቡ ኣክትብት ለዲብ መድረሰት ሰውረት

ለትዳለ ወትጀሪበ ኣክትብት ቲ። ለመደርሰንመ እት መድረሰት ሰውረት ለፈረው ወምን መድረሰት ሰውረት ለልትበገሶ ቶም። ላመ መዳርሰ ኣክል-ሕድ ለናይ መድረሰት ሰውረት ሸክል ወኣክላቅ ጸብጣት ተን።

ንዝም ደርግ ወቀደሙ ለዐለ ንዝም ህይለስላሴ ዲብ ረኣሰ ሸዑብ ኤርትራዊ ዮም ለኣለቡ ጀራይም ለኣጀሬ ሰበት ዐሎ። እብ ኣላፍ ለልትዐለብ ሸዑብ ኣስክ ሶዳን ለጅእ ዐለ። ሰነት መድረሰት ለበጽሐው ውላድ ላጅኢን ዲብ ሶዳን በክት ድራሰት ሰበት ኢረክበው ኣረይ ቅዌት ገብኦ ዐለው። ወእብሊ ጀብህት ሽዕብየት ሰነት 1979 እግል እሎም ለለኣደርሶ መደርሰን ወማርሐት መዳርሰ ምን መድረሰት ሰውረት ኣስክ ሶዳን ነድኣት። እት ደንገብ 1981 እት ፖርትሱዳን። ከሰለ ወገዳርፍ ሐድ 1,300 ደረሳይ ለደርሶ እተን መዳርሰ ዐለየ። እለን መዳርሰ እለን ኣተላላይ ናይ መድረሰት ሰውረት ተን።

እምበል እሊመ እብ ዕምር ነኣይሸ ላቶም እት ሰውረት ልትሓበሮ ሰበት ዐለው። ኩለን ከፈፍል ዴሽ ጀብህት ሽዕብየት እግል እሎም ኣጀኒት እሎም ኣካዳምያይ ምህሮ ለለኣደርሰ ናይ ኖሰን መዳርሰ ከፈፍል ዴሽ ኣሰለየ። እብ ለመድ እለንመ መድረሰት ሰውረት ልትበህለ ዐለየ። እብ ሰሚት ሌጠ እንዴ ኢገብእ እብ ፍዕልመ ኩሉ ለናይ መድረሰት ሰውረት ኣግቡይ ሸቅል እንዴ ጽብጠየ ገይሰ ዐለየ። ምን መድረሰት ሰውረት ለልትበገሶ ሰብ ምህነት ተርብየት ወኣድራሶት ህዬ ክድመት ሱፐርሺዥን ወዱ እግልን ዐለው።

ከገድም መድረሰት ሰውረት እብ ኣላፍ ለልትዐለብ ደረሰ ሌጠ ለተኣደርሰ መድረሰት እንዴ ኢትገብእ። እግል ኩሉ ወራታት ምህሮ ሰውረት ክም እም ወኣብ እንዴ ገብኣት ትከድም ለዐለት ዴማት ምህሮ ወመስል ሰኔት ተ። ሰሚት ህዬ ግረ እላመ ዲብ ተኣሪክ ምህሮ ኤርትራዊ ኣስክ ዲመ እት ትትዘክር እግል ትንበር ቲ።

ዐቦት ህግደ

ዶር ምህሮ እብ ህግደ እም ዲብ ዐቦት ህግደ

ዲብ ኤርትራዊ ምህሮ እብ ህግደ እም ሐቲ ምን መድረሰት ሰውረት ለትትኣመር እም ወራታት ሐበን ቲ። ኣማን ተ እት መደት እስትዕማር እንግሊዝ ወመደት ፌዴሬሽን መዳርሰ እብ ትግርኛ ወዐረቢ ለኣደርሰ ሰበት ዐለየ። ኣድረሶት እብ ህግደ እም እት መድረሰት ሰውረት ኣምበተ እግል ልትበህል ኢቀድር። ምናተ እት መድረሰት ሰውረት እብ ትግርኛ ወትግሬ ለኣምበተ ምህሮ እብ ህግደ እም እተን ኢበጥረ። እብ ሐት-ሐቲ ዲብ ወስክ ኩለን ለሰዕ ህገጊ ኤርትራዊ ህገጊ ክቲብ ወኣድረሶት ክምስል ገብኦ ኣተላላ። ወእሊቲ ዮም ኣክትብት እብ ኩለን እንዴ ትዳለ ወመደርሰን እብ ኩለን እንዴ ፈረው ኩለን ናይ ኣድረሶት ህገጊት ጋብኣት ህለየ።

ኣድረሶት እብ ህግደ እም ሚ መናፍዕት ሰብት ቡ ቲ ጀብህት ሽዕብየት ሰልፋይ ምህሮ እብ ህግደ እም እግል ልግበእ ለሐዘት? ምህሮ እብ ህግደ እም እግል ጅነ ምን ገብእ ወእግል ዐቦት ናይለ ህግደ ዶሩ ዐበ ቲ። እንዴ እስልፍ እግል ጅነ ለቡተ መንፈዐት እንዴ ርኤነ ሐሬ እሊ እብ ህግደ እም ለደርሰ ጅነ እት ዐቦት ህግደህ ሚ ዶር ክምስል ቡ ንግነሕ።

ህግደ እም እግል ጅነ ዐቦት ዐቅል ወምህሮ ትጠውር እግሎ። እሊ በህለት እስልፍ ለጅነ ለትሐባለክ መፋሂም ኣጊድ እግል ልፍህመ ትሰዴ። ሰበቡ ህዬ ለመፋሂም ለጅዲድ ምስለ ለለኣምሩ ከሊማት ሰበት ቃርት ኣጊድ ልፍህመ ወኢልትረሰዐ።

ካልኣይት መንፈዐተ እት ዐቦት ዐቅል ወምህሮ ህዬ። ኣተላላይ ናይለ ምን ኣምዕል ተውሊደቲ እንዴ ኣምበተ ለኣመረዮ ኣምር ተ። እሊ ኣሳስ እሊ እብ ህግደ እም ሰበት ገብኦ እት መድረሰት እብ ህግደ እም ደርሰ ዲብ ህለ እት ረኣሰ እሊ ኣሳስ ትሩድ እሊ ሰበት በኔ ረኣሰ ቀደም ገይሰ ወኣምሩ ልትወቀል።

ካልኣይት መንፈዐተ ህዬ። ህግደ ካልኣይት እግል ልትዐለም ትሰዴ። እት ለትፈናተ እንክራት ዐለም ለገብኦ ድራሳት ለእብ ህግደ እምም ኣስክ ሓምሳይ ሕው ሱሳይ ፊሰል ለደርሰው ኣጀኒት ምስለ ምን ሰልፎም እበ ህግደ ለካልኣይት ለደርሰው ኣጀኒት ዶል ልትጃገር ለሐሰ ኣምር ካልኣይት ህግደ ክም ረክበው ለኣመርዴ። ሰበቡ ህዬ ካልኣይት ህግደ እብ ኣሳስለ ናይለ እት ኣወላይት ህግደነ ለህለ እግልነ ኣምር ቲ ለንትዐለመ።

ኣድረሶት እብ ህግደ እም ናይ መትሰምዖት ወሕፍዘት ዓዳት መናፍዕትመ ቡ። እስልፍ ኣጀኒት እበ ለለኣመረ ህግደ ዶል ደርሶ ምን ክጅል ወፈርህት እንዴ ተሐረረው እተ ድራሰት እብ ነሻጥ ሻርኩ። እሊ ህዬ ደማን እት ኖስ ለኣትጠውር እቶም።

ካልኣይት መንፈዐተ ህዬ ኣጀኒት እብ ህግደ እምም ዶል ደርሶ እት ፍንጌ ቤት ወመድረሰት ለህለ ፈርግ ጨብብ። ዋልዴኖም ለልትሃገወ ህግደ ዲብ ልትሃገው እት ቤት ክምስለ ህለው ሰበት ልትሰምዖም መድረሰት ቤቶም ወደው። እት ረኣሰ እሊ እት መድረሰት ህግደ። ዓዳት ወሰዋልፍ መዐያህም ሰበት ደርሶ እት ሕፍዘት ዓዳት ሸዐም ዶር ዐባይ ተህሌ እግሎም። እሊ እብ ክእነ ለደርሰ ጅነ ክምስል ዐበ እግል ዐቦት ህግደህ ወሕፍዘት ዓዳቲ ወሰዋልፋ ከድም ወለህግደ ተዐቢ ወትትጠወር።

እት ተጅሪበት ዐድነ ምን እንርኤ ለዲብ መደት እንግሊዝ ወፌዴሬሽን እብ ትግርኛ ለደርሰ ጃል እት ዐቦት ህግደ ትግርኛ ዶር ዐበ ኣውፈ። ላመ እት መደት ሰውረት ወሐቀ ሕርየት እብ ለትፈናተየ ህገጊ ኤርትራዊ ለደርሰው ኣንፋር ዮም እት እዕላም። እት ኣድረሶት። እት ፍረቅ ዓዳት ወእት ውበዕድ መጃላት ህግደ። እግል ህግደህም ከድሞ ለህለው ህቶም ቶም። ከእብሊ ኣድረሶት እብ ህግደ እም እግል ዐቦት ህግደ ተረተ እብ ቀላል ለትትርኤ ኢትን።

በለሰ ናይለ ሐልፈት ተክተት

ዐ	ሬ	ር	ብ		ዜ	ሮ		ኣ	ራ	ግ
ር				ነ		ረ	ቢ			ሀ
ቀ	ብ	ር	ወ	ኣ	ት		ብ		ሕ	ተ
ብ		ኮ		ት		ሳ		ሐ	ሊ	ብ
	ኣ	ት	ብ			ወ	ል	ወ	ል	
ቶ					ት			ሊ		ማ
በ	ዐ	ት	ቢ	ጫ	ደ			ዕ	ራ	ደ
	የ	ም			ያ		ሐ		ብ	
ቤ	ት			ጭ	ል	ሕ	ን	ቲ	ዓ	ለ
		ኣ	ቤ			ክ		ቀ	ደ	ም